



東選品節本

記序上



文
記
序



東選品節

記

觀江樓記

鐵城之南崖有樓焉距海之湄不足咫尺巋然翼然若

金宗直

蜃氣結構而騰空與撫夷樓隔海相望縣大夫李侯貴美所重

新也凡南裔之邑崖大海為樓臺者不可以一二數然其俯視溟

漲無若斯樓之觀切焉成化十一年鈴平尹相公受命觀風于辰韓

之墟襁褓英蕩遵海而南既弭節于是登臨四顧是日也颶母屏

氣天日塞用波濤安帖一碧萬里旌麾旆旆鼓角清雄魚鼈鵠

驚遊躍翔集相公神怡心曠混希夷超鴻濛彷彿與安期羨

門子附肩以遊平生雪夢彭蠡之宵襟益恢拓於是乎咏鄒書

觀海之語命為樓扁且題二十八字以形容今日之太平既而巡至天
嶺語及于某而俾為之記某再拜而復校公曰斯地之雄勝萬古
如一日然而朝代或有隆衰而人心之憂樂繫焉某少時薄遊山岩
海濱嘗登是樓而望之其東則合浦乃元之征東元帥府也忽敦洪
茶邱孤傲虎威憑凌縱號湖南數千里亦被椎剝造戰艦督軍
偏此為徵輸之途民物騷然其南則巨濟也自新羅為重鎮逮
至唐季累經兵燹人烟一空魑魅所定卷土而騰寓內地者幾而
餘年當此之時又焉有斯樓哉雖有之顧登而樂之者誰歟厥
今聖明重熙累洽農桑業海徼尤盛合浦縣門貔虎如林投
石拔距人思一戰巨濟舊壤流亡復還戶口倍增更成樂土成海

諸營星羅碁布黃龍五牙櫓帆匝海其西之彰善其北之
海平牧馬成群雲錦繞山當此之時登斯樓也把酒臨風雖欲
不樂得乎而況相公節鉞所指山嶽動搖一喜則一道均蒙其慶
一怒則一道俱怵於威春陽秋露生乎造次乃今覽物興懷歡
愉舒暢而海涯之草木禽魚皆被顧盼聲錫斯樓之嘉名
而聖賢立言之微旨隱然寓於其中古人弛張之道君子誘導
之方斯可謂之兩得也已矣噫異時樓之成毀不可以逆觀然而
觀海之稱直與山海同其久長樓名之不朽即公名之不朽也李
侯與某公獲靈緣托名於斯樓幸孰大焉。環翠亭記昌慶宮之
後苑有新亭曰環翠直通明殿之北奧固密體勢旁橫側

展長松萬株環擁而立又植密竹數千挺以補其隙前臨兩結
構參差翼鱗碧瓦錯峙苔甍相助為翠微之氣自通而遠
則宗壩之外有園園之外有郭郭郭之外有巖巖終南
之烟雲東郊之草樹攢青抹綠爭效奇於櫛櫛之下者千萬其狀
以亭之所以得名也然其所以為人主燕息之所則實在彼而不在
是烏是亭也歷九閭之阻映六寢之邃幽龍窅閬高明爽壇
蓋其地自祖宗置離宮以來儲祥畜祉秘而不發幾至九十餘年
適遇我殿下堂構之秋而倏然有成豈非有所待而然耶退朝
清澹之餘往往布玉趾以登法宮之仗一切屏去服夏后之衣虎光
武之憤怡神浚慮与道為謀至若青陽和暢草木敷榮則感乾

坤生物之仁而疲癯鰥寡何以無飢薰風南來畏景燥空則咏帝
舜解慍之操而滿堂清風何以均施薰風在候萬寶告成則曰吾
民什一之歛石可過制也滕六屑瓊沍氣襲裘則曰吾民輒廢之
肌不可更勞也凡四時之景一經于宸眼者皆取以為茲政施仁之
資石唯是也記曰張而不弛文武不能弛而不張文武不為也然則一弛
一張之具亦所不廢如欲徇徑而質疑鴻碩之儒可以並召如欲選
射而觀德決捨之士可以耦進予以從容顧問于以講習武備何莫非
君國子民之嘉猷偉範耶此我殿下作亭之深意而中和位育之極
切是可以馴致也昔宋孝宗營翠寒堂於禁中嘗召趙雄王維
等奏事堂下古松數十清風徐來帝曰松聲甚清遠勝絳竹

夫孝宗宋之賢主也平時無燕遊聲色之奉宮室範圍之娛而
乃達斯堂顧不圖安佚而拳拳於此訪宰輔以防壅蔽之害其英
風雅度至今燁然於簡策之中今我陛下聰明仁聖遠過孝宗
而斯亭之設偶与之同前漢聖賢規模制作異世而同符吁可想
已彼芙蓉雙曜之時壯觀於上陽凝思韶芳之草重燠於未央皆
為遊暇巡幸之脩耳島足為今日道哉誠願陛下毋怠毋荒永肩
一心每登眺之際深懼玩愒之易流而必懷保小民為祈天永命之
實如上所云則我朝鮮億萬世無疆之休寧不在茲乎臣敢以
是為獻。時湖樓 睦湖永嘉之名樓也其江山瑰偉之觀雖或讓於
重刊記 晉之真蹟石室之嶺南然而同據洛水之岸在南山曰觀水樓在一

善曰月波亭殆不能與斯樓爭甲乙焉高唐恭愍王避江中南
奔駐蹕于州遊是樓而樂之既還都御書延手寫樓額三大字
以錫州人通判申子展增大樓制以揭之至今輝映于堯棟間此則
龜石嶺南之所無有也子展之作距今百有餘年其間守宰豈無
治其樞楠板檻之腐撓者蓋尾級軌之穿缺者然人心不同曲終
人事者苞苴回遺之為急徒守規模者簿書期會之名暇誰肯
用力於修葺磨礱以深吾所畜之財用于樓之日以頽圯無足怪
已吾同年齊安金侯耆由御史中丞官左符于茲未數年政通人和仍
歲穰熟且土田臧獲之訟一遺之人投牒監司願歸于侯每當三
分之際夙夜裁決伸者負者俱滿其意由是收贖之錢布充溢

帑藏侯於是謀諸吏民改構斯樓基地則因舊而尋引丈尺頗
有增損其宗廣頓加三之一至其赤白之飾金泥之牓亦煥耀改觀
才閱數月而厥功已就州民若仞瞻仰咨嗟咸以為神焉越明年
春侯抵書於僕曰願有述僕輒不自揆竊喜與淡菴牧隱二老
聯名其間遂操觚而嘆曰侯之為政廉平不苟動以法度其視曲
脩人事者不啻若狗彘其視徒守規模者不啻若僕隸吏民
愛而敬之如見然若黃於千日載之下其為一樓而興四堂不有
餘裕哉況古未稱淳厚之俗無如是州其民可以易使乎況是
樓之修非為逸遊也非為後世名也只世墜舊規而止乎抑僕益
有所感矣若成化初身屬橐鞬從事于蔚山戎幕比二期當

以事往來是州非一二遭至則必登是樓徜徉瞻眺其東三十里即
青鳬之境也沙麓祥雲湧屬天直與周室有郅之慶同其久長
其北十里則瓶山也逆萱千騎扼于險阻遂至崩奔偽將授首王氏
之義氣大振于東南此戰為之兆也西望豐岳袁元達之先順後恃
不得與六太師共事以名南望葛郡山蒼翠撐空其烟雲草木
宛帶金生學書揮灑之餘勢鳥徙倚既倦必泛舟信棹臨弓
碕曲渚溯洄上下或至夜分興盡而旋凡樓之勝賞左右逢原而
所得者多矣今已三十餘年尚耿耿往來于胸中也倘使侯之大
滿獲遂余南還之計則當以單僮匹馬再遊湖上與侯登樓沽酒
且賦詩以續夫州民之興頌云○

讀書堂記

書偉

建大厦者豫養梗楠

杞梓之材於數十年必待昂霄聳壑然後取為棟樑之用適萬
里者豫求騁駟駟之種必雲其芻豆整其鞍轡然後可達
燕楚之遠為國家者豫養賢才亦何以異於此讀書堂之所
由作也恭惟本朝列聖相承文治日臻世宗大王神思睿智卓
越百王制作之妙動合神明以為典章文物非儒者莫可共
定博選文章之士置集賢殿朝夕講磨治道又以為研窮義
理之奧妙博綜群書之浩穰非專業莫克始遣集賢文臣
權採等三人特賜長暇於山寺任便讀書季年又遣申叔舟
等六人便得優遊厭飫大肆其力文宗繼緒篤志儒雅又遣
洪應等六人給暇於是人才之盛極於一時述作之美侔擬中華

今上即位首開藝文館復古集賢之制日御經筵覃精文籍
尊宗儒術育養人才視舊有加歲丙申復用祖宗朝故事命
蔡壽等六人賜暇今年春又命金勘等八人賜暇就藏書讀
書獲人致餼酒人設醴時遣中使錫賚便蕃仍教政院曰宜於
城外擇地開堂以為讀書之所政院覆啓龍山小菴今係公解
棄之矣脩而葺之爽塏幽曠藏修遊息此最為宜上可其請遣
宦董役閱兩月而成凡為卷僅二十間而夏涼冬煖各具其所於
是賜額曰讀書堂命臣為記臣竊惟詩之旱麓曰愷悌君子遐
不作人卜才之興繫乎上之人作成如何耳苟善養之濟多士王國克
生不善養之國無其人誰与量理若徒慕養士之名而苟焉取之

鷄鳴狗徒之流竊吹其間可不謹哉三代人才皆由庠序而成周
造士之法最為詳密若漢之剋材唐之登瀛皆苟得一時之名爲
足識為也惟我國家涵養百年教化用導之方獎勵養成之
規實與成周造士之法相為表裏而泮宮玉堂之外又有養賢之
所擇之精而遇之厚其與詩之每食無餘不承權輿者為如何哉
易曰聖人養賢以及萬民傳之者曰養賢所以養萬民也今日之
假館致餼無與治道也萬機之繁特行宸念似若不切於事也
然也日經綸治道黼黻王度者未必不由此輩而粉飾太平澤被
生民其利之及於遠者蓋不可量也譬諸梗楠杞梓驛驢駟
之收用於一時者豈不萬一乎哉而陛下之急先務者高出於前代

矣夫然則應是選者可不思副聖上樂育之恩耶聖人之道布在
方冊經之淵深諸史之異同百家之浩汗必將包羅該括涉其流
而撮其精觀其會而舉其要極其博而歸於約然後能深造之
而達其原矣皇王帝霸之道禮樂刑政之本脩齊治平之要舉
在於此施諸事業在強勉耳董子所謂強勉學問則聞見博
而智益明強勉行道則德日起而大有功者可見其效矣徒取糟
粕以為記誦之資組織綺麗以為聲律之文以誇世而衡俗則非
朝廷儲養之意也嗚呼學文之切貴乎變化今日讀一書猶此人
也明日讀一書亦猶此人也雖大志矣以為孔子曰學而不思則罔又
謂子夏曰汝為君子儒毋為小人儒可不勉之哉

金駟孫

吾友權

子汎為縣三年新其客館之西序而軒之請記於余。告子
汎曰先名而後記可乎。蓋名之曰癡軒子汎請癡之義余笑而不
應。子汎殊不得意。乃敢告之曰。王叔癡。王掾癡。隱德之癡也。黠
癡。妬癡。巧者之癡也。文而為書癡。武而為虎癡。才絕而癡也。斷梓
物者癡了官事者癡。古之以癡名者不一。而子之癡亦不一。而足世人
慧於辭。子獨癡其言。若而觸忌。世人便於貌。子獨癡其動止。使人
生憎。世人巧於進取。得一資而患失。之以校理清。班自貶為僻。縣之
監此則癡於仕也。世人捷於應務。臨民則先名。奉上則先譽。子獨
頽然坐。兩旁同擊。豪猾撫。鰥寡為心。而拙於催科。此則癡於政
也。世之為吏者。劣者以勞民為辭。視館宇之弊。而任其撓壞。自著

行簡之說辨者峻宇雕牆不為己不知為土木之妖而大馳勤幹
之聲子于堤修葺焚宇既不為勞者又不能為辨者役遊手不
欲勞民而反勞心此則作事之癡也合子之癡而扁之於此軒當笑子
泥曰以癡朝某則當笑以某之癡辱之於公館則不可曰噫天地間
萬物皆造物主之達而觀之則何物非公若倚著一物則豈非私也
苟私之則一縣之物為六期之私物公之則一身一家百年之公物耳
柳宗元猶能愚柳之漢今豈不可癡堤之軒乎夫癡者愚之轉也
又轉則為拙顏之愚柴之愚甯武子之愚皆見稱於孔門而周
茂叔之拙至於刑清整絕然則以癡名軒非軒之辱乃軒之榮也得
癡縣監造物者之幸於以軒笑世之以智巧名者雖欲為此軒亦

不可得矣子汎曰吾將守癡以終身既乃語之曰子恙之不往不實
何如孔子之微服過宋呂端之糊塗似癡也而其鎖王儲恩則事君不
癡也司馬伯康兄弟腳踏實地平生無偽而賂塾師以誑族人事親
不癡也易尚齊禮尚愛古之賢聖適度而能通此類不一子又不可
專守癡也子汎曰吾厭世之巧而欲守吾之癡若子之言未至於大中
而恐吾之癡駁矣余笑曰子誠癡矣子汎睜目不荅倚軒而睡
亭金海古國也多奇迹今府使崔侯強幹為辨阮新蒞子樓
氏所以貴歸古國之文物者無所不用其極直樓之北婆婆塔之
南鑿方塘引虎溪之水而匯之尊假島於波心以為漸臺架尾
其上樓茅而亭之橫波設畧勾種魚種蓮羅水禽鳬鷺鷓鴣之

類而封浮沉焉以小船載妓樂中流棹歌作凌波之辭侯常邀賓
客樂飲而投箸焉人視之若水仙然鏡面澄々平凝漫皴樓觀城郭
峯巒樹木星日雲物莫不倒影於其中而蘆焉其大半卧而淅瀟演
漉涵混太虛侯請名於左相魚公以涵虛為名余自道州來省祖
塋暫休于塋傍別墅侯純訪仍邀我入城觀所謂涵虛亭者而記
之衰病殘生支離在世山冠野服江湖其適也自以怯城市欲棹為
辭不獲則請侯遙記之侯曰諾水性同流無滯而體則本虛故砥
涵物一有漠潦濁流浮苴漂梗於其流而沮其性則安能涵得如
許哉夫人之心用則動而無窮體則靜而本虛故具五德而備
萬物天地日月皆吾方寸中物也一有邪思于其方寸則失本體之虛

而夾萬事之用應乎心而達乎政莫非污下矣公餘吏散群鷺
頓息岸中登亭風月雙清水涵虛耶虛涵水耶魚公之命名於
是為稱而崔侯樂之六知其非常流也請侯默坐靜觀澄其心清
其慮以充本體之虛此不查滓不結果吾之冒次由是而天淵飛躍
之妙亦可以理會喫緊矣若夫尚清虛風雅務稱譽於過客則非所
知也吾甚且病安能一憑水檻觀天光雲影之徘徊挹其清而尋
活水之源乎遂書涵虛之景以歸崔侯。六案自中原東行向於嶺
其間山水之可樂者不一過黃江壽山西驛行盡清風境踰一站入
丹陽界得長會院按輿其下漸入佳境忽見積石斗起攢峰疊
翠迷左右眩東西雖巧屑莫能較也崖間峽坼一江中注溶流藍

泊江左岸側之絕險上數百步有城可隱舊名可隱巖余立馬
其前烟霧路迷依稀然有爛柯之想惜絕境之無稱摩石之曰
丹邱峽由峽而東山益奇水益清行十里峽盡回首如別佳人十步
九顧直東而望赤城無咫尺臨江有步小艇橫渡即下津也泝沅
而上十里許又有官渡即上津也鐵壁千尋歷峙津流悸余魂莫
攀也創名之曰棲鵲巖津之源出江陵府之五臺紫迴壑谷西走
遙々五六百里雖輕舟莫得窮其派也返而順沅未及下津有泉自
南而來寤名南川之左丘有樓翼然日已暝黑不可登遂投郡館
翌日郡守黃侯璘請登遂與攀檻而眺則燕飛而鷄啄鵲噪而
客至頓雲連於上岳秋光抹於錦綉層巒宜嶂環擁乎一樓而

南川之流汨瀟於楓楸之下上津之波合沓於林樾之際昨者所役
於鞍馬舟楫之上者皆在於盃觴几席之間蓋而眼所收有加於兩
脰之所得矣視壁間匪懈堂所扁二樂樓三字爛然如明月夜光彩
不可挹漢山含輝余欣然樂不自支顧謂黃曰惟仁者然後能樂山
惟智者然後能樂水三月不違者殆庶哉於仁而世可知可謂智未
及於此而徒馳情於山水不識於自誣乎夫人莫不具仁智之性而
鮮能克仁智之端能充其仁智非吾分外之物體山之靜而不遷
體水之動而無滯安心之德周萬物之愛則二者之真樂吾得而
兼之矣侯以安詳之資且達於理便養乞郡既純仁於其親而教其
孝以治一境役鮮少之民賦疏磽之士括置得宜純應簿書而供

賦征又用餘力於樓臺葺其頽碎而無廢舊貫侯之仁且智可
見侯德於此致學至於天理流行之極而行其所無事則高山

流水乃吾仁智之一體矣侯其勉之哉若夫魚杓醉管絃登眺以

為樂但觀其隱然峙者山杳然逝者水喜其秀且清而已則又

將有理屐窮山如康樂投金屐務如東野而有忝於二樂之

義矣凡我同登者盍相与勉之

故人亭記
表泐

山陰縣北二十里有洞曰

草谷洞有社樹盤踞地面竦出半空大可蔽牛陰之所愛履車且

百兩望之團如張蓋諒若屯雲人皆駭其非凡也南方郡邑固多

壽木矣鮮有与社樹比者其所據之地南臨曠野襟帶巨川以故

受風偏多余自去年夏謫于縣寓居于是同宋君杞同之家社樹

正當其門宋君爲余謀之募工畚土厚培樹下筭以層階繚以護
欄中置竹床以便坐卧旁設草廠以避陰雨導余往遊冀逃炎
熱也余觀是樹枝葉蒙翳日光不漏涼飈自留使坐其下者狀
直淋漓毛髮蕭飆稍久肌膚清精神高爽滌腸胃之愁瀉腸腦
襟之芥滯脫然浮出埃壘抗乎沆瀣之表也宋君二季裴君兄弟
每來從遊樹陰時得村醪野飯輒酣嬉爲樂倦則枕藉樹根相
與談農話漁量晴較雨至宵露濕衣猶不欲歸余之安適居而忘
故土者實於樹焉是賴於是扁之曰坡人亭以其於我有朋友相資之
道也此地去王京數千里地僻人少未有平昔過從之樂顧見是樹孰
身如柯霜皮苔衣形狀奇偉氣色嚴毅儼若先輩宿德之臨其上

令人肅然致敬而不敢慢也南方溽暑殊甚蒸鬱煩歎勢若不
可終日是樹乃能鼓柯呼風振葉致涼等賴其響雪霜其韻
如與親朋故舊開心展懷便覺其風韻雅度有所起余也哦詩
而詩板悽惋鼓琴而琴調高亮醉興舒以暢睡味清以和以至投
壺看書煮茶圍棋體貌古野動止真淳塵凡頓屈髣髴古畫
人物皆是樹之所助而六如心人与居得其薰陶之益也然余本不材
為世所棄樹則自保天真未嘗託於用似不相涉而余得辱為技人
何哉蓋是樹本幹擁腫枝條卷曲礪研多節礪硯多液不中樑棟榱
桷舟車之用所謂樗櫟之散材也又不產于中州而托是遐壤不為
王公大人見知是固無用於世而適類乎余今余嬖所質樸款當同支

雖散越其精駸踈其氣其中非不枵然瀟灑而其外槁焉而已性
又犖牙与世牴牾而卒見放是亦氣類之相近者也櫟雖莫為世用
而挺特魁吾昂霄凌岸凜然不可犯余雖不合於時亦頗以雅致
自守孤立不撓而無所附之或者君子其亦有所取也嘻櫟本植物
非有情者也然老于荒林窮谷始得遭我依然若有感於知遇我
亦離羣遠來攀援淹留將一暮于茲焉得無情哉方將托忘年
之契矣抑有感焉者召公之甘棠純為時人所愛草堂之枏櫟未
免凡兩所援蓋甘棠道與時俱泰枏櫟道泰而時否勢有不得
同焉而要皆傳名於不朽者也是櫟雖未見護於人之無顛拔之危道
則否也時可謂泰矣顧余無二公之賢純使不朽於無窮耶若後之人

哀余之意而庶勿毀則幸矣雖然不必以所無自少不必以所有自多
蓋將忘情於否泰而任之以自然○雙明齋記世皆以長生久視之術

為可學也夫神仙者流吸風飲露揮斥八極而外患莫得侵攻

其壽與天地相終始是豈枯槁忍飢茹芝採朮者所能得到耶

蓋喬松難老之骨蓬瀛不世之氣皆得於自然不與壽期而壽乃

自至耳且即物以觀之世之所謂公而不朽者即金玉為最在泥不爛投

火不灰其剛硬不移之質豈與夫臭餌死餓一既視之耶植物之壽者

莫如松柏也雨露之所養日夜之所息與草木皆同至於冰霜裂地獨

也青之一色而不愛此豈朽壤之芝菌所能鬻鬻哉抑亦鱗虫羽族之

壽者龜鶴是已從胎而化向日而及其鳴之遠也可以聞於天其骨

之輕也可以累於運此非尋常魚鳥品彙匹儔也則物之可以卓乎
出群而特以久名於世者皆得之自然固非人偽容於其間豈唯物
如是人有焉今太尉昌原公歷仕四朝夷險一節及登庸於黃閣
薦進賢紙鎮安宗社年未七十上章乞退獲遂懸車之禮曩於崇
文館之南斷峯之頂愛一佳樹作堂其側與當世士大夫年高而
德邵者八人遊息於其中日以琴棋詩酒為娛凡要約一依溫
公真率會古事時有學士張公自拔謂在賓曰昔韓退之自恨
其早衰也乃云尋常間不分人顏色老杜亦有看花如隔霧初之嘆
而我公此堂腫欲方爛如電賞遙岑於雲霞飲散之表如指諸掌
盍以雙明題其榜為人皆以為破的未幾公之弟太師公亦解鉤

衡以從方外之遊每宴飲子侄皆紆金拖紫趨走於堂下望之如
鸞鳳接翅春棋交陰四子之在姑射五老之汾河實非世人所得
覩也爰命画工製為東海耆老圖刻石以傳於世雖在遐荒万里
幽隱 奧者一見其畫爽氣襲人夫留侯稱漢傑也掉三寸舌
取萬戶侯自知布衣之極欲從赤松子遊竟不得踐言謝安江左名
臣也挫秦兵於一局安晉祚於泰山俄自鷄入夢石復尋東山賞
月之遊今我公立朝燠理之功既如彼白首林泉之樂又如以真
所謂兩得而有之古今所罕也蓋其仙凡道骨自天而生顏色如嬰兒
語音振金石尚無一毫衰憊之氣外物莫得以撓其真則壽固無
涯而其視蒼海桑田猶朝暮也可知矣莊周有云不刻意而高非導

引而壽者實謂此也烏得知異日不飄然出六合絕浮塵與金童
玉女遊於閭風玄圃之上而騎鶴還鄉举手謝世人耶僕嘗跪履
而進受一編之書謹為之記。王臺山雷電水精
菴重刻記權近江原交界有大山五峰並
峙小大均敵而環列世號為五臺山中曰地壚東曰滿月南曰麒麟西
曰長嶺而北為象王遂有五類聖衆常住之說為浮圖者咸稱之
於吾儒為無稽茲不復詳西臺之下有檻泉涌出色味勝常其
重六然曰于筒水西流數百里而為漢江以入于海漢雖受衆流之聚
而于筒為中冷色味不變若中國之有楊子江漢之得名以此于筒
之源有菴曰水精昔新羅二王子嘗遁于此修禪得道至今衲子欲
修證者皆樂居之壬申之秋鬱攸為災于時雷漢韻釋懶庵游公

牧菴永公皆捨名韞入于菴山目其棲題化為煨燼惻然悲嘆欲
重營之乃持化疏出山普勸諸檀家聞而皆喜各施錢穀乃始董工
更就泉傍林木之下相其面勢尤為奇腴乃斷其木乃刻其土遺
礎具擇宛然舊址也觀者相慶地樂就事以訖營構自今居是庵
者有能得道如羅王之二子者歛常加掃溉不玉廢弃撓者扶之
腐者易之終不墜二公之志使與此山相無窮歟是在後來者之責
爾懶菴來余微記蓋欲以是警後來也余與懶庵道雖不同相知已
久故不辭而書其言以為記

序

法華經宗要
序
妙法蓮華經者斯乃十方三世諸佛出世之大意九道四

生咸入一道之弘門也文巧義深無妙不極辭數理泰無法不宣文辭
巧數華而舍實義理深泰實而帶權理深泰者無二無別也
辭巧數者用權示實也用權者開門外三車是權中途寶城是
化樹下成道非始林間滅度非終示實者示四生并是吾子二乘皆當
作佛塵數不足量其命劫火不能燒其土是謂文辭之巧妙也言無二
者惟一大事於佛知見開示悟入無上無異今知今證故言無別者三
種平等諸乘諸身皆同一揆世間涅槃永離二際故是謂義理之
深妙也斯則文理咸妙無非玄則離塵之軌乃稱妙法權花用
數實華泰彰無染之美假喻蓮花然妙法妙絕何三何一至至
冥誰短誰長茲慶悅惚入之不易諸子爛熳出之良難於是如來

引之以權羨羊車於鹿苑示有待之危身駕白牛於驚嶽顯無
限之長命斯乃借一以破三、除一捨假脩以作短、息而脩亡是法不
可示言辭相寂滅儻然靡擾蕭焉離寄不知何以言之強號妙法蓮
華是以分坐令聞之者尚受輪王釋梵之在經耳一句之人並得與上
菩提之記況乎受持演說之福豈可思議耶當乎執筆是大意以
標題目故言妙法蓮華經也

涅槃經
宗要序

原夫涅槃之為道也無道而

無非道無位而無非位是知其道至近至遠證斯道者彌寂彌喧彌
喧之故普震八音遍虛空而不息彌寂之故遠離十相同真降而湛
然由至遠故隨教逝之絲塵千劫而不臻由至近故忘言尋之不過一
念而自會也今是經者斯乃佛法之大海方等之秘藏其為教也難可

測量良由曠蕩無涯甚深無底以無底故無所不窮以無涯故無
所不懷統衆典之部分歸萬流之一味用佛意之至公和百家之異
諄遂使援之四生念歸無二之實性普之長睡並到大覺之極果極
果之大覺也體實性而亡心實性之無二也混真妄而為一既無二也
何得有一真妄混也孰為其實斯則理智都亡名義斯絕是謂
涅槃之玄旨也但以諸佛證而不住無所不應無所不說是謂涅槃
之至教也玄旨亡而未當寂至教說而未當言是謂理教之一味也
爾乃聽滿字者感蒙毛孔之益求半偈者不顧骨髓之摧造逆罪
者信是經而能滅斷善根者依茲教而還生之矣

晉譯華嚴
經疏序

原夫無

障無碍法界法門者無法而無不法非門而無石門也爾乃非大非小非

促非奢不動不靜不一不多由非大故作極微而無遺以非小故
爲大虛而有餘非促之故終舍三世劫波非奢之故舉體入一刹不
動不靜故生死爲涅槃涅槃爲生死不一不多故一法是一切法一
切法是一法如是無障無礙之法乃作法界法門之術諸大菩薩之所
入也三世諸佛之所出也二乘四果之軌身首凡天下士之所笑驚若人
得入是法門者即終不過一念普現無邊三世復以十方世界咸入一
微塵內斯等道術豈可思議然依彼門用者此事猶是一日三出
門外十人共住堂內徑然之域有何奇特況乎須彌入於芥子者穉米
入於太倉也方丈內平衆座者宇宙內於萬物也內入甚寬何足爲難
乎哉若乃鳳凰翔乎青雲下觀山岳之卑河伯屈于大海顧著川河

之狹學者入乎此徑普門方知曾學之謬誤也然短翮之鳥底山林
而養形微蘆之魚潛涓沚而安性所以淺近教門之不可已之耳今是
徑者斯乃圓滿無上頓教法輪廣用法界法門顯乘無邊行德行
德無畏而示之階級故可以造修矣法門無涯用之的故可以進趨矣
趨入彼門者即無所入故無所不入也修行此德者即無所得故無所
不得也於是三賢十聖無行而不圓三真十佛無德而不備其文郁
郁其義陽々豈可得而稱焉所言大方廣佛華嚴者法界無限大
方廣也行德無邊佛華嚴也非大方無廣佛華非佛華無以嚴大
方所以雙舉方華之事表其廣嚴之宗故言道大方廣佛華嚴經
也

送皇甫元赴忠
州序。林春

余居京師也門杜以幽棲深居簡出遂與人絕其出處

不吾違朝暮不吾捨其惟安之皇甫若水乎君博其學專其
志且強於記識而宏放於文辭君之直琴上之德也君之清直中之
鏡也士之貴賤與賢愚以不獲送君為之羞是其得於中者果有
異歟今將被詔出佐雄藩朝廷以江左奧區倚以為重則其緩征更
稅振淹糾慝而誅朶權奪之政自君革矣未足道也至於推明天
子之澤以化一方使休聲和氣疏為冷風蔭為甘澍以煦以煦而神雀
靈芝之瑞拳集於境內者吾非君之望而誰耶凡交君者咸嘉其
行長言必餞之噫魚相忘於江湖人相忘於道術吾與君忘道術之
江湖矣於是別也然已足豈真忘者耶

金居士集序
俞升朝

四序

迭循而春回天宇則羽虫百族乘淑氣之漲暖引吭鱗嘴玉嚼珠

嗟嚶、磔、觸耳可愛及至梧楸朝陽長離珠羽覽德輝而下翔
啗雅音中律則向之群唱反吐淫啾祿茂足聽者輪苑金先生
以詩鳴于時其類是歟真人中竊鳳也先生諱克己鷄林人也童
屹穎悟開口成章即有驚人語逮壯不及于進自登進士第不復
首跡京師借勢公卿之門唯与逸人韻士嘯飲山林故文譽益豐而官
途愈阻安仁素髮頽已垂領始補我州防禦判官秩滿替廼明
廟聞其詞藻召直翰林院搢紳鉅公皆但飲其名今始瞻其實同
然歎服曾無異辭惜乎命不副才卒以一品青衫而就木焉俄曹
之命亡泉壤之足窺朱銀華錫不逮其存吁可歎也哉有集百餘卷
噫膝下絕析薪之克荷琴中少流水之深知若稍延引歲月則殆磨滅

予嘗竊問賴今相國清河崔公謫愛才好善出自天性當世之斯
風冀野自衡為山子駉駉者與夫眠沙伏草隱逸德於垌牧者咸蒙
翦拂騰蹕雲路至乃骨為駿雖死尚以千金市收先代之以文名世
生不遇以隕沒者雖后言隻字皆欲掘拾以傳不朽而先生遺藁未
首被搜訪凡得古律詩四六雜文共一百三十五卷蓋其平昔手錄
分送數州俾售工而鏤于板者欲其速成也一日太常嚴府修叔卿
見訪於樊廬款論相國公之旨因以題辭屬於余自顧朽鈍屢
負血指汗顏之愧宜執謙挹以推妙斷竊感相國公之知待不喜
掛名於先生集中聊記梗槩冠諸篇首云〇〇趙文拔百家衣詩序
者大原王舒王始唱之山谷輩繼起而和於後觀其體每於古之

詩摘取一句闕湊而別著新篇語意牽連全如竊造夫人之
體於至此雖古猶之也况之於今而有獲焉襄陽林先生惟正性聰
敏此文章一經於耳目輒誦之無一語忘于心斯所以負記識平生
綴述效三體多矣方其美賤毫如沈宋許燕韓張劉白藏在臆臆
間隨意吐句破損屑之堅陣掄雕鑿之首帥皆摧幢折角崩潰
而散是效也貴速不貴遲大抵東筆之士月搜日鍊幸而得嘉篇
則曰巧然其功不及於拙速遠矣今先生自登第官至國子祭酒
其間雲步內庭星馳外域當是時見古今題詠立而次其韻皆
得於天趣如日照紅於燒飛花白似銀又烟滋疊巖晴如剗
風去長江淨似鋪之句之類真所謂筆端三昧遊戲自在也惜

其天不与年冥於長往其詩亦從而十失八九論者不廢志時相
國清河崔瑀好善君子也搜得道篇於散逸之餘比若干首佩
詠之若嘯醴醑醕聞雅音不竟曲其懞於心矣嘗召而告之曰斯
文金玉也必有收而寶于後世者宜叙之無使精英淪於土其囑之
甚勤豈可以辭淺不自效為辭遂承命而閱之數四至句疊處將
刪之公曰果天詩豪也案其集有句曰閑壙兩有餘者再矣且古之
編撰若此雖疊而不害於義於是并錄之離為三卷既而用山谷語目
曰百家衣集以壽其傳噫公之持國家勸獎理似不容於餘事而
尊儒之志深且重至是竊先生遺篇如此使死而有知先生其必感
云○

續破用集
序曰崔滋

文者蹈道之門不涉不經之語然欲鼓氣肆言疎動時

聽或涉於險怪况詩之作本乎比興詠喻故必富託奇詭然後其
氣壯其意深其辭顯足以感悟人心茲揚微旨終歸於正若剽竊
刻面誇耀青紅儒者固不為也雖詩家有琢鍊四核所取者琢句鍊
意而已今之後進尚聲律章句琢字必欲新故語生鍊對必以類
以其意拙雄傑老成之風由是喪矣我本朝以人文化成實萬間出贊
揚風化光宗顯德五年始闢春闈舉賢良文學之士玄鶴來俄時
則王融趙翼徐熙金策才之雄者也越景顯數代間李夢游柳邦
憲以文顯鄭倍傑高凝以詞賦進崔文憲公冲命世興儒吾道大興
至於文廟時聲明文物粲然大備當時家宰崔惟善以王佐之才
著述精妙平章事李靖恭崔爽參政文正李靈幹鄭惟產學

士金行瓊盧坦濟、比肩文王以寡服後朴寅亮崔思齋思諒李
顥金良鑑魏繼廷林元通黃瑩鄭文金綠金商祐金富執權迪禹
唐愈金富侑富轍洪權印份崔允儀劉義鄭知常蔡寶文朴皓
朴春齡林宗庇芮樂全崔誠金精文淑公父子吳先生兄弟今時李
學士仁老俞文安公升朝金貞肅公仁鏡李文順公奎報李承制
公老金丙翰克己金諫識君綏李史館允甫陳補闕洋劉李兩
司成咸淳林春尹于一孫得之安淳之店金石間作星月交輝漢
文唐詩於斯為盛然而古今諸名賢編成文集者唯止七家自餘
名章秀句皆湮沒無聞李學士仁老略集成編名曰破間今晉
陽公以其書未廣命余續補強拾廢忘之餘得追體詩若干

或至於浮屠兒女輩有二事可以資於談笑者雖詩不佳并錄之共成一部名為三卷名之曰續破閒又得李中書藏用家

藏鄭中丞叙所撰雜書三卷并附于後編以俟通儒刪補

送僧神智遊金剛山序

崔灝深山窮谷人跡罕得至固宜有異物於茲萃

焉故為張道陵之學者以某山為第哉洞天是某真君所治

於是慕道願世鍊養以不粒食者往往栖息其中以忘返焉余

雖惡其不近情也以有我角之殊亦不甚与之辨也極天之東濱

海有山號楓岳僧徒謂之金剛山其說本諸華嚴之書有海

東菩薩住處名金剛山之文余未嘗讀是書未知其果以山耶

近有以普德菴僧所撰金剛山記表示余者就讀之則皆不經

徒說無更信者於中云佛金像五十三軀自西域浮海以漢平元
始四年甲子至山因而立寺夫佛法東流始於漢明永平六年乙丑而
行東國又始梁武大通元年乙未其後乙丑有四十二年之久苟信彼
說是中原寧未知有佛乎二年前東人已為佛立廟其最可笑
者他如是也雖然聞古學空之人入此山中勤勵志行而終其道者比
比有之蓋始此山雖人境不啻數百里之遠而巖嶂壁立可望千
萬仞懸崖絕壁無庵廬可以庇身無一席之土可以蔭菜果而
食其居此者非窺竅竅竇巢樹顛與鳥獸雜處草木充飢者不
能一日留也釋氏之法使修其道必試之忍勞耐苦然後有得焉故
其師有雪山六年之行然則若學是法有志勤修者不入于山亦無

以有為也通來不然山中菴居歲增且百其大寺則有報德表訓
長安等寺皆得官為營葺殿閣宮室廡房山谷金碧輝煌眩
奪人目至如常住經費與財有庫典實有官員郭良田遍于州
郡又江陵淮陽二道年租入直于官盡勒輸山雖值處荒未見蠲
減每遣使人歲支衣糧油鹽之具必視與厥其僧大抵不隸逃其役
民避其徭常有數千萬人安坐待哺而未聞一人有如雪山勤修而
得成道者復有甚者誑誘人云一觀是山死不墮惡道上自公卿下
至士庶携妻挈子爭往禮之除冰雪迎寒夏潦淫溢路為之阻遊
山之徒絡繹于道兼有寡婦處女從而往者信宿山中醜聲時聞
人不知恠或有近侍亟命馳驛降者歲時不絕而官吏畏勢奔走

茲命供億之費動以萬計並山居民因於應接至有怒且詈曰山
胡不在他境者噫人之愛此山者為菩薩住此也而敬菩薩者為姓
福人於冥也其冥之福既不可識而髡首者銜鬻是山自甬溫飽
而民受其害尚何言哉是故余見士夫有遊山雖力不能止之心竊鄙
之今佛者禪智師有是山之行因書余素畜胸中而未吐者贈之
師既為浮屠何入山之晚耶山中如有人為余謝之當必有是吾言者
笑曰送秦使李中父還朝序翰林李中父奉使征東已事將還過辭余因語之曰
進士取人本盛於唐長慶初有金雲卿者始以新羅賓貢題名杜師
禮榜由此以至天祐終凡登賓貢科者五十有八人五代梁唐又三十
有二人蓋除渤海十數人餘盡東士逮我高麗亦常貢士於宋淳化

孫何榜有王彬崔罕咸平孫僅榜有金成績景祐張唐卿榜
有康撫民政和中又親試權適金端等四人特賜上舍及第舉
是可見東方代不乏才矣然所謂賓貢科者每自別試附名榜尾
不得與諸人齒所除多卑冗或便放歸欽惟聖元一視同仁立賢無
方東土均與中原俊秀並舉列名金榜已有六人焉中父雖渡出
地擢高科除官禁省施及二親俱霑恩命先捧詔書來德坂
國謁母高堂熱黃先壠為名沒榮得志還鄉不獨長卿父子夸
于蜀越矣吾家文昌公年十二西遊十八登咸通十五年第歷尉中
山佐淮南高侍中幕官至侍御史內供奉二十八奉使歸國鄉人
至今傳以為美談當是時也屬於唐季四海兵興而公以羈旅

孤雛寄食於藩鎮雖授憲秩職非其真及乎東歸國又大亂
道梗不果復命論其平生可謂勞勤而其為榮無足多者曷若
吾中父遇世休明致身華近而且年方強壯志愈謹光其前途有未
易量者則顯榮家國豈止以一時必見富貴苦逼叨名滿天下
畫錦之堂將大作於東韓未識後來視中父者 東人為何
如也復記在至治元年亦自猥濫與計而偕是年舉子尚未滿額
登龍榜者纔四十三人余幸忝第二十一名拜蓋年別駕赴官數
月以病求免今茲退安里巷十有三年壯志日消無復飛騰之勢
矣比見中父益知余之終於自棄而無成也慚負聖朝又笑言哉
中父尚勉旃毋以一簣進止而虧九仞之高也余與中父厚既美其

行且訟余拙而勗復之云

東坡老會序

唐會昌中白樂天既以太子少

傅致仕居洛與賢而壽者六人同誌復道里宅為尚齒之會曰胡
杲前懷州司馬春秋八十九曰吉叟衛尉卿致仕春秋八十六曰鄭
據前龍虎軍長史春秋八十四曰劉貞前慈州刺史曰盧真前侍
御史春秋皆八十二曰張渾前永州刺史與樂天春秋並七十四祕書
監狄兼謩河南尹盧貞下於七十與會而不及列樂天為詩紀之後
世傳為洛中九老會至宋元豐中文潞公守洛亦與耆英約為真
率會繪形妙覺僧舍凡一十三人富韓公卿七十九歲文潞公彥博
及席郎中汝言七十七歲王朝議尚恭七十六歲趙太常丙劉秘監
凡馮防禦行已三人俱七十五歲楚待制建中七十三歲王朝議填言

七十二歲王宣徽拱辰七十一歲張大中同張翥學壽皆七十歲獨司
馬溫公方六十四歲而用盧欽則預烏溫公為之序海東有國承平
四百年人物風流蓋侔于中華神王戊午崔靖安公始解珪組開雙明
齋於靈昌里中癸亥集士大夫老而自逸者曰以詩酒琴碁相娛好
事者傳畫為海東耆老會圖趙通六樂誌之及丙寅靖安公之弟文
懿公年俯七旬上章納政以預斯會即添入其像于圖中朴少卿傳碩
誌之太僕卿竇文同直學士致仕張自牧其一也年七十八太尉平章集
賢殿大學士致仕崔譔其二也年七十七司空左僕射致仕李俊昌其
三也與太尉同年判秘書翰林學士致仕白光臣其四也年七十四禮賓
卿春宮侍讀學士致仕高瑩中其五也與白同年司空左僕射竇文

閣學士致仕李世長其六也年七十一戶部尚書致仕玄德秀其七也與
司空同年太師平章修文殿大學士致仕崔訥其八也年六十九軍器
監趙通其九也年六十四通共九人時李眉叟翰林依盧秋司馬故事
當從容諸老同著詩文各有餘首形容一會暇事詳矣有雙明齋
集傳于士林今則皇元宅上以至仁威德涵養天下而王國由首出
歸明世蒙釐降協遵候度上下胥悅而三邊無小警連歲有大穰
實可謂休明治安千載一時矣於是主上方礪精嚮學好賢樂善
而有若大寧君而下厖臣碩輔為國元龜而莫不年及期頤謝事
閒居共享安榮雖其偶會清談雅笑無非一代規模豈特平生完
節大名足使三韓傾慕而已哉一日東菴老先生呼新進小生某與語

之曰近會諸老欲講洛社雅又明故事今為諸老序之某辭以齒
大而賤不足承當諸相公意如何先生笑曰昔眉叟之見收復明諸
公亦豈以齒位論也今不可辭也某石獲命退而念曰噫諸相公如德
之盛留於社稷布在公論非某陋學所敢為揚至如古今為會之顛
末不可不述是用謹書之

李柏國後集
序○李漢

嗣子涵謹言大人平生所著多

矣然本不收蓄又為人取去不還或然棄之僅存十之二三故難於編
綴凡大人所嘗遊踐儒家釋院及交遊士大夫間無不搜覓得詩文
凡若干首分為四十一卷編成前集後集倚郎李需序之集成之後又得遺
逸及近所著詩文成後集十二卷噫脫不幸不傳于世亦足為一門子
姓傳家之寶矣大人初登第時常與四五同年將遊通濟院聯鞍

唱和公詩一句云塞驢影裏碧山晚新鴈聲中紅樹秋聞此詩流
入于宋大為其宰相所賞此少年時所賦其賞如此況得見全集乎
又代琴學士讓官表云昔也帶雙學士有識越分者教人今則蕙三
大夫將復置賢於何地此六人所愛誦而皆不得全偏以附于此是
一恨也由此觀之其遺珠漏玉之不見者非止此而已矣○丹陽北樓詩
并序○安輅
飽膏粱之食者無適口之味飲咸韶之樂者無盈耳之音類此而
推之則人之於天下之物心之所樂目之所翫莫不皆然余自關東遊覽以
後樓臺山水之美極矣心自度之以謂自今以往凡四方所稱奇勝之地
必無容目者也余到其城人有稱丹陽北樓之美者余心所度者如彼
而未之信也今年夏四月自其城歸觀索鄉道于丹陽歷訪所謂北

樓者其奇觀勝致皆可貪翫而与関東異者寡矣私怪而觀其形
勢蓋丹陽至関東之尾而境相接也其山水之美溢乎関東若將
奔突于南而丹陽勒止之故其氣勢雄盤壯富於斯而不敢過南
自是以南雖有漏脱者皆支流餘裔而不足觀也彼人之未遊関東者
以斯樓為南州之最不為過也南有觀魚臺余之二十年前所常遊時
已久未遑尋訪登樓顧望而不忍去也有鄉先生勸余留詩既領其
請因息々未暇就也厥後數月未嘗一日斯樓忘也今六月又到其城
思欲再登斯樓而不可得因寄題長句四韻詩樓丹陽守以李公朝
隱所營也

送李貞外此上
序○李商賢

士之行斯世也其猶舟乎有其才為之楫有

其命為之順風然後利有攸往矣有才与命其志之或卑猶之楫完風

利而操舟者非其人烏能任萬斛之重致萬里之遠以濟其不通
乎貧外幸侯束髮讀書敏而好問揚鑣翰墨之場游刃博書之數
可謂有其才矣筮仕不就年歷提學代言遷客直愈議仍為星郎
東省可謂有其命矣引故舊同升諸公啓舊艾以諧庶政正色匡君
主推誠待賓旅可謂有其志矣今以朝官被召騰裝而西笑才之奇
命之達志之大將於是乎益見矣權贊善而下二十有八家用鄭愚
谷謝宴詩多歌騷章以美其行屬余為序余執爵而前請畢舟之
說夫江河之與溟渤大小則殊舟於其中者同也櫓而帆之所以進也纜
而碇之所以止也又必有衣衾焉所以備漏濡者也主國江河也天子之邦
溟渤也侯之舟由江河而溟渤之也苟徒櫓其義帆其信纜其禮

礎其智衣初其敬慎廉勤何重之不任何遠之不致何不通之不滯乎

昔田叔韓安國以梁趙之臣立於漢廷揚名當時流譽後世吾今侯

焉是望矣

送金時翁赴化平府序

余在郡下聞新除守令者言某州有瘴氣不

可居某縣其俗頑癡不可理其次則曰去鄉里遠難行其俸薄難

養廉曰前官卒于任豈可為此州前官不宦達豈可宰此縣夫中

國之士豈不無賢愚哉其純不以死生窮達為自外來者則一也蓋

由習俗猶心此其所以為中國也吾友晦翁之光州也人皆謂前此得

光者以前官卒于任故多避免翁必不之任翁曰噫光無瘴氣吾可

居也民雖頑癡自有條法吾可理也去鄉里近吾何憚行其俸雖

薄不猶愈於日糶太倉乎天下古今之不壽者皆官于光者乎其

官達者又皆除光而不赴者乎其言正大與聞都下者不異余
不覺拊髀而起曰竊之此行當有五利人棄我取必久於政一也善
政既久民受其福二也政成課最窺召是肩三也竊既召還代者
必賢四也賢者繼踵光必復興五也竊以識之

翰林府公館
西樓詩序

余至

東京家舍登東樓殊無佳致廼陟西樓頗壯麗軒豁城郭山川
一覽而盡三藏法師旋公大書倚几樓三字而無題詠者惟是府

千年王都古賢遺跡在而有自入本國為東京者將五百載其繁

華佳麗冠於東南而仗節觀風剖符宣化者又多詩人墨客意

必有紅裙綠鬟銀鈎玉筋輝映其間以今所見惟賓軒所題一

絕句在耳先儒金君綬首唱也或言襄館舍災詩板隨以亡然

金詩何獨不火。後之作亦何不見。或者之言不足徵也。有一鄉校生曰。金詩之偶存。可以想見百年前風流人物也。蓋於其時民醇政簡。遇事輒裁。遇興輒發。至於簿領陳於前。絲竹列於後。人不為非。而自不為嫌也。百年之後。促然務自脩飭。一頓一笑。恐或不時。安敢登臨。嘯詠。以取腐儒之譴。今先生無觀風宣化之勞。以尋真探勝為事。縱觀楓岳雪山萬仞。又踰鐵關入東海。以窮國島之奇秘。遂遵海而南。摩娑叢叢石亭之古碣。三日浦之丹書六字。舟泛永郎鏡浦。以訪四仙之遺蹟。燭照聖留窟。以極其幽怪。而卒至於斯。其於游觀可謂饜飫矣。雖然。新羅古都壯觀。遐眺萃於此樓。而無一語以去。為先生羞之。余應之曰。吾既不云。乎哉。但不能為詩人墨客之流耳。

然於諸生之言深有所感而且得以觀世變因成長句四韻以示登

斯樓者云益齋先生詩元有天下四海既一三五嶽之氣渾淪磅礴

蒙序李稿

磅礴動盪發越無中華遠邇之異故有命世之才雜出乎其間沉浸

醲郁攬結粹精敷為文章以資歸一代之理可謂盛矣高唐益

齋先生是時年未冠文已有名當世大為忠宣王器重後居輦

轅下朝之大儒搢紳先生若牧庵姚公商公子靜趙公子昂元公

復初張公養浩咸遊王門先生皆得与之交際視易聽新摩厲愛

化固已極其心大高明之學而又奉使川蜀從王吳會往還萬餘里

山河之壯風俗之異古聖賢之遺跡凡所為圖博絕特之觀既已包括

而盡餘則其踈隔奇氣殆不在子長下矣使先生登名王官掌帝制

優遊臺園則功業成就決不讓向之數君子者歟而東歸
相五朝四為冢宰東民則幸矣其如斯文何雖然東人仰之如
泰山學文之士去其靡陋而稍全雅皆先生化之也古之人雖不登
名王官而化者行於其國餘風振於後世如叔向子產何可少哉
佐天子號令天下人孰不慕之而名之傳在否有不在彼而在此尚何恨
哉先生著述甚多嘗曰先東菴尚未有文集行於世況少乎乎故
於詩文旋作旋棄人輒藏之季子大府少卿彰跋長孫內書舍人
寶林相與哀集為若干卷謀所以壽之梓命余序嗚呼余豈知言
者哉仍父子為門生不敢讓姑志所見云

寄贈柳思
菴詩卷序

君子有終身之

樂一朝之樂不足以為我樂也無適無莫動靜俯仰作與愧不火

胡則所謂我者湛乎其中存焉死生壽夭天也吉凶榮辱人也
皆非我也而我以為喜懼則情勝矣情勝不已天始滅矣如是而已
我有終身之樂吾不信也當之所以貴我也祿之所以富我也富我者
必終窮我貴我者必終賤我而我不知不聽命焉以其在彼而不在我
也是以素非我有而一朝加乎我雖窮貴極富而我不知為喜也喜且
不可況以為終身可樂乎所謂可樂者吾自知之爾父不得予之子夫
不得奪諸婦夫天下之至親而至密者莫如父子夫婦而猶且不得
而相予相奪其必有所不然者矣不徒知之又踐之必外患於是乎絕矣
思菴先生蓋近之居京師十年同列推其行高與國政十四年同朝
服其量弘由布衣位台鼎亦可謂盛矣然而無一毫自得之意形於言

動視其居處視其服食視其所與遊盡一世之號為富貴者視其
貌則猶布衣時其不以一朝之樂為可樂者歟十數年間巍然赫然
能保其終者蓋寡先生從容進退不以軒冕在與為榮辱者也居
廟堂樂其道之行今也在田里樂其身之全與全道之全矣是惟前
日如行雲流水已無蹤跡獨其愛君之心與吾終身之樂不可湏臾之
相離也可離豈吾所謂可樂者哉成均國藝康子野先生之門人也
將求諸公間以為考槃之助以余深知先生屬心叙余故畧言其
大槩周不云乎逃空虚者聞人足音足然而喜胡吾文乎其必擊節
而嘆曰相知之不可無於世如此夫

傳於錄序

上之廿又一年春正月判曹溪

宗事臣覺雲上言傳燈錄禪學之指南也板本燬于兵手鈔甚

艱況今專務默坐冀萬一成切竊恐談理者又廢斯道益以晦乞
重刊廣布以惠學者上曰可於是廣明寺住持景觀等幹其事皆
上命也鳩材募工既有端緒雲又上言臣之宗門光耀至矣不紀而冠
之篇無以爲後日徵請下文臣叙其事廼以命臣補會稽丁母憂去
國明年起復既至雲來趣文曰已畢矣就求其所謂傳燈錄者讀
之其題目冠以景德而翰林學士楊億兵部員外郎李維太常丞
王曙承詔同加裁定所以去取之意甚悉考之宋史大中祥符二年
書曰蘇州僧道元讚佛祖以來名僧禪話爲傳燈錄三十卷以獻
命刻板宣布不載億等刊定之事豈史氏之畧歟其目以景德豈
此錄成於景德而獻於祥符歟不然史氏之誤也鄱陽馬氏著通考

指億為之億雖文章士立后之制尚拒之不草何故托浮圖為偽
書以欺君而惑世哉是時宰相王朝當國一代偉人也及其將沒
遺命削髮披緇以欽億在翰林號深於禪學此傳燈錄所以進
而刊修之命及於億也欽冊府元龜歷代君臣之事跡而姚鉉文粹
唐之文章關於世教者也二書皆成於祥符間刻板宣布之命未之
聞焉則此錄也重於一時者可知已恭惟主上殿下至仁洽民心至道
超物表正法眼藏別傳之妙有默契焉者非謏儒淺見所能測也
雲當在禁中誤此錄者滿一歲上深器其能賜十字法號禪教都
總攝為曹溪都大禪師入居內院故終上體聖心刻梓宣布其所
以惠來者廣心學其切可勝道哉夫心譬則燈也心心相印至於

無盡燈、相續上至於無盡我國家仰賴慈光曆數之傳上如燈
之無盡也則臣之此序為不安作矣後之學者當以祝釐為務毋
徒文身而已可也至於禪話臣所未學故不及云

愚軒先生文集序

嗚呼文

章興替其闕天地之氣乎當元世祖混一字內文學之士輒奏闕下
默軒先生誕忠宣王入見世祖世祖燕坐不冠遽曰汝雖王子吾甥也
彼雖陪臣儒者也何得令我不冠見儒者於是具衣冠整坐因問
征交趾策將安出先生跪奏帝師遠討不如遣使招來先生之學如
此故其為文章極盡人情物態而需然無所牴牾學者至今宗
之曾孫藝文檢閱子復與其弟子宜來請余序余受而讀之雖未卒
業純粹也如金玉之脫于鑛璞俊逸也如魚鳥之在于雲川至其陳言

帝庭述之表章國色國史分之綱目信乎獨步一世矣余生也晚尚
從先生子孫得聞文章道德之緒餘猶以自幸矧檢閱輩有志吾
道能知先祖之美乎知而不以傳又不仁也宜其求序之急將以刻之梓
也吾東方文學之盛見稱中國蓋自崔文昂始今由唐鳴對策帝庭者
多矣然有讀卷者居其間而面奏獨先生入對卧内判天下大計
固非貢士所及雖古名臣無以過之余常欲歌其事以告後之人而未
果也檢閱輩章微言故不檢鄙拙樂為之序。

送楊廣道按廣
便與傳內詩序 順興安

氏世居竹溪之上竹溪之源出於大白山之西而水之遠安氏之興其無窮
乎陸齋先生當大定甲子對策于天子之庭名遂大振還仕本國位至
封君文章道德一時傑然者也其居官莅事動有成績至於忠義大

節激頹風翼表世立懦厲頑多矣至于今稱誦之先生季子嗣清以
文學進余同年也立于朝如祥麟威鳳使于外如長城敵國有父之
風而驥藉過之先文孝公師事謹齋先生又与其弟政堂公同年余
又与嗣清俱為辛巳進士則安李為世交其於贈處不可不以情矣嗣
清以侍御史出而按行楊廣同年士相與餞之酒行余即曰既泰世交公
又請言宦容緘默乎然嗣清有學業有節操自始迄今所居稱職拜
名藉甚規之則安頌之則諛然回跡何如人哉彼其親炙乎聖人
朝夕乎聖訓操存省察固已無可議矣猶且諄諄贈處況於吾儕
乎嗣清揚歷中外雖已光顯然以世德之舊行己之勤四名事業
滔日進未見涯涘若其不挾所長以駕於人則其所長也然道德

之在躬政事之成效又非止今日而已必有進步之地而多矣嗣清其

益勉之哉然則當如何曰持其志無憂其初斯可矣眾曰然遂書

以為序

贈金敬叔
秘書序

近臣趙郡蘓大恭伯修父拱國朝名臣事畧又

撰文類主禱先生以為伯修學有餘暇 筆札又富故能就此種

曰蘇公在太平全盛之世四方文學之交遊果朝典則之諳練又有

精敏之才非獨筆札之富也至若處於其暇居於冗職既無錢

財難於購又無市肆難於遊而裒輯之多至於數百卷者獨吾敬

叔而已敬叔壬寅科及第篤志文學善楷書被選當書表章大為

玄陵所賞余蓋慕焉久矣數年未不相值不意其有此奇特也及其

請名二書余喜之甚題典故之首曰周官六翼題文章之首曰逆粹集

且各叙其所以命名之義矣鎮陽林希閔北詩播紳間將以贈
敬叔又請余序余曰東方教化之源蓋發於箕子之受封而教條
簡易無繁文末節之侈後世因之至于今朴畧之凡猶在也三國
姑置我太祖立國以來光廟設科取士文學之盛見稱中國然其成
書未之多見此敬叔之所以發憤而為之者歟觀其所好如此其中
所存蓋可知也古今著書者衆矣吾三韓近世獨快軒文正公為傑
然其門人鷄林崔拙翁又其次也哀輯之富稱壯軒簡擇之精稱
拙翁然未純盛行於世工匠之拙也簡秩之重也銀臺集相國集可
見已然此皆文章角傳不傳非所急也周官六翼在位者之座右銘也
如其不傳至治之澤不降矣其關於世道豈不重哉敬叔當盡心

烏若曰吾刻之板藏之名山以俟後之君子傳之廣不廣非所知也則
吾所望於敬叔与夫士大夫所以歌詠嘆美者皆為虛文矣敬叔其
益勉之哉。送鄭道可奉使日本詩序李崇仁 殿下之四年秋七月慶尚道州臣驛聞曰日
本國霸家臺使者至矣其言曰遠人之來翼達朝廷臣司封疆不
敢不聞朝臣入告于內殿下若曰霸家臺日本臣鎮也使者來夫豈
徒哉其令郡縣飭厨傳以送及至都禮賓引使者詣宮廷閤門進
見殿下勞慰優渥使者獻書幣訖進而告曰主將聞皇夷竊茲燕
蒲人室廬孤寡人子婦至或憑凌迫地且奮且恥遂欲殄殲之遣賤介
以報師期殿下聞其言益嘉之初有司館穀使者加等留月餘告
歸則殿下召宰相曰報聘禮也矧今通鄰好息寇裁聘使宜慎

簡我於是遣成均大司成鄭達可以行其交遊之舊咸歌詩贈焉
而屬余序余惟日本氏有國最古自漢魏世通華夏衣冠制度
粲然可觀今霸家主將英其家武毅為一方藩翰思戢暴亂以成
兩國之好其用心可尚達可學博古今氣醇而方言溫而辨常遊
吳楚歷齊魯之墟有司馬子長之風焉奉使專對乃其餘事雖然
人有出卯限適鄰里而有難色者矣達可自聞命之日躍然直以
為已任視其溟渤不翅若坦塗然聘使可謂得人矣其通鄰好息
寇戕可踧足待也他日太史氏特書于策曰日本奉使鄭夢周也
豈不偉哉繼是而建大議行大政屢書不一再而已也達可其識之

○達息庵
游方序

吾門生金時用來言曰息菴鷄林士族也年十二授神印

宗雉髮學既進中僧選歷住諸伽藍一朝去而從懶翁游久之似
有得也將有以質之翁而翁逝矣息庵追之鳥欲遍走乎諸方以質
其所得而後已也或者曰古之浮屠有鳥巢肩柏生肘而不肯出戶限
者今彼上人既號息庵矣曷不屏跡空山優哉遊哉自樂於已而遠
遊四方不恤足之胝而身之羸哉何不憚若是乎時用竊惑焉幸先生
教之余曰息庵之息非息形也息心也自其息形者言之雖瞑目端坐
塊如槁木而所謂坐馳者或有之矣自其息心者言之方寸之間淡然空
寂石物於物之山林之朝市何嘗不息也或者之言於息庵何累鳥況
息庵之行不以其所已得者為足而方將求其名師尊宿以請益者哉
鳥可訾也鳥巢肩柏生肘者是或一道也子歸以余言問息庵焉則

書以為序。

讀東亭陶詩後序。鄭道傳

自晉至今千有餘年世喜稱淵明為人

余以為論其世誦其詩則其人可知當南北分裂之際干戈相尋民無寧日內亂將作王室將傾以義人志士有為之時而淵明則歸去田園而已及觀其詩乞食負士怨詩飲酒寄篇但不勝其憔悴無聊姑託酒以遣耳得稱於後世者如此何歎杜子美曰陶潛避世翁未必能達道觀其著詩集頗有恨枯槁韓退之讀醉鄉記以為阮籍陶潛猶未然乎其心或為事物是非相感發於是有所託而逃焉者也二子為世名儒善論人物而其言如彼則余之感渫甚今得東亭先生陶詩後序曰憔悴於飢寒之苦而有悠然之樂沈冥於麴蘖之昏而有超然之節伏而讀之不觉嘆息曰噫此所以為淵明也雖

去千載之遠如聞其聲咳而接見其容儀也且其憔悴於飢寒之苦沉
冥於麴蘖之昏者迹也外也有悠然之樂超然之節者心也內也在外者
易見在內者難知宜後學未能窺其藩籬也而者韓公之言特託而
言之耳先生曰不然也淵明生於袁叔之世知其時之不可為而蹈遠引養
真衡茅之下庶視軒冕銖銖者萬鍾雖衣食不給而悠然樂而忘其
憂及乎宗國既滅世代遷易一時之輩相招仕進若吾淵明則不然
拳拳本朝之心如青天白日不事二姓隱於詩酒之中其高風峻節凜
乎秋霜之烈不足比也至於其詩常憂則憂常喜則喜常飲酒
則飲酒其言夏日長抱飢寒夜無被眠則其飢寒之苦為如何哉
笑傲東軒下聊復得此生則其悠然之樂又如何也其曰春林作美

酒、熟、吾自斟又曰朝與仁義生夕死復何求豈非於沉冥之中而有超
然之節乎蓋淵明之樂不出飢寒之外而其節亦在沉冥之中也何也
知淵明不義萬鍾之祿甘於畎畝之中則飢寒乃所以為樂也託於麴
蘖終守其志則沉冥乃所以為節也不可以內外異觀也道傳曰命之
矣退而書之春序相國河公以節帥全羅既至今曰為惠吾民以遺
國家憂惟倭最急使習水道程進易退故制禦者難得其要我
知之矣即馬上誓師旅引行鳴鍾鼓樹旗幟沿海上下張皇兵威
賊人石測稍自引去然不敢以無事自暇常野次于外以臨衝要以
備不虞時惟六月地極南邊海霧吹炎天雲燥熱上蒸下濕公慮
賓校之病于暑也一日登高以望長江注其下群山包其外障以峰巒

錯以洲峙雲收霧散瞻眺攸遠炎熱以涼蒸濕以爽洒然若執熱
而濯清冷也悅然如乘長風御灝氣以超乎寥廓也賓校音樂勸
公構亭其地公重違衆乃役成卒之無事者取材誅茅不終日
告成客有請亭名者公曰吾常自號春亭、吾構也其以是命之
客語人曰異哉公之名亭也亭之成適當夏月引清風於天末納
爽氣於襟袖肌膚輕快神心夷曠不知時之為暑而地之為爽也
至若金風落候素月揚輝叫征鴻於長洲倚孤帆於極浦陰雲不
開江天無際漁簑披雪而此亭之勝際也若其野芳山榮鳥唳禽囀
僅足於一時耳四時於亭其景如此而公獨取其一有以也夫解之者
曰天有四時以成歲人有四端以統性四時之各偏其一而春無所不

存猶四端各一其德而仁無所不包也故曰春者春之生夏者春之長
秋者春之成冬者春之藏仁者仁之愛義者仁之制禮者仁之敬智
者仁之知於時為春於性為仁一理也故其在天則克塞流行無二息
之間斷播之為四時播之為萬物變化無窮而生之不息此春為天地
之仁也其在人則公平樂易無一毫私意怠疾之累其積也和順其
發也榮華體之身而身安推之家而父子親以至處事應物無一
而不得其宜此仁為一身之春也昔朱光庭謂明道為春風其言不
可誣也春秋仁哉淵乎其為德之至也非知道者孰能與於斯公之所
以有意也登是亭者毋徒取游觀之樂當求君子體仁之意尤當求
天地生物之心然後知亭之所以為春而能樂公之樂也客曰唯、於是歲

係詩以詠

東山李季安
陶隱文集序

日月星辰天之文也山川草木地之文也詩

書禮樂人之文也然天以氣地以形而人則以道故曰文者載道之

器言人文也得其道詩書禮樂之教明於天下順三光之行理萬物

之宜文之盛至此極矣士生天地間鍾其秀氣發為文章或散于天

子之庭或仕于諸侯之國如尹吉甫在周賦穆如之雅史克在魯

而陳無邪之頌至於春秋列國大夫朝聘往來賦稱詩感

物喻志若晉之叔向鄭之子產亦可尚已及漢盛時董仲舒賈誼

之徒出對策獻書明天人之蘊論治安之要而枚乘相如遊於諸侯

咸能振英摘藻吟詠性情以懿文德吾東方雖在海外世慕華風

文學之儒前後相望在高句麗乙支文德在新羅曰崔致遠入本

國曰金侍中富軾李學士奎報其尤者也近世大儒有若鷄林益
齋李公始以古文之學倡焉韓山稼亭李公京山樵隱李公浚和
之今牧焉李先生早承家庭之訓北學中原得師友淵源之正窮性
命道德之說既東還延引諸生見而興起者烏川鄭公達可京山
李公子安潘陽朴公尚衷密陽朴公子虛永嘉金公敬之權公可遠
茂松尹公紹宗雖以余之不肖亦獲側於數君子之列子安氏精深
明快度越諸子其聞先生之說默識心通不煩再請至其獨得處
人意表博極群書一覽輒記所著述詩文若干篇本於詩之興比書
之典謨其和順之積榮華之發又皆自禮樂中來非深於道者然之
乎皇明受命帝有天下修德偃武文軌畢同其制禮作樂化成人

文以經緯天地此其時也王國事大之文大抵出子安氏天子嘉之曰
表辭誠切今茲修歲時之事渡遼瀋逕裔魯涉黃河之奔放入天

子之朝其所得於觀感者為如何哉嗚呼季札適魯觀周樂尚能知其

德之盛子安氏此行適當制作之盛際將有以發其所觀感者記以述

德為明雅頌以延于尹吉甫無愧矣子安氏歸也持以示余則當題

曰觀光集云若齋遺藁序道傳一日得亡友若齋遺藁若干卷泣且讀

因濡翰書其端曰以東國詩人金敬之所作也書未訖客詰之曰金先生

學術行義豈但詩人而止歟先生曰世族幼而聰敏既就學與圃隱鄭

公陶隱李公及坦公言李順卿義愛尤篤朝夕講論切磋不怠吾

東方義理之學蓋由數公倡之也國家宗重正學更張舊制增廣生

負韓山李公主盟師席拔薦名儒為學官而先生他官兼直講
諸生執經受學列于席前雖告休沐從而質問者相繼于家多
所進蓋先生學術之正為何當甲寅乙卯之歲國家多故時相
用事先生上書力言得失不報竄於州側徙居母鄉驕興郡自號驪
江漁父扁其所居堂曰六友以樂江山四時之景凡七年國家尚其風
義召拜諫官尋長于成均言責官守兩盡所愧又以先生有專對才
行裡遼東都司適有朝命不許私交置先生雲南行至四川之瀘
州得病卒于旅次先生自始行至病卒間輿萬里備嘗艱難累
憂顧慮自惜之意臨絕曰吾在家死兒女誰肯知者今在萬里
外死於王事至使中國人知吾姓名可謂得死所矣無一言及家

事先生行義之高又為如何道傳攬涕而言孟子之言誠是也敬之
學術行義備諸史牒播於人口矣待余言哉詩道之難言矣自有
雅頌廢騷人之怒誅興昭明之選行而其弊失於纖弱至唐拜律
作詩體遂大變李太白杜子美尤所卓然者也宋興真儒輩出其經
學道德追復三代至於聲詩唐律是熟則不可以並體而忽之也
然世之言詩者或得其聲而遺其味或有其意而無其辭果能發
於性情興物比類不戾詩人之旨者幾希在中國且然況在邊遠乎敬
之外祖及菴閔公善詞學尤長於唐律與益齋愚谷諸公相唱和敬之
朝夕待側目濡耳染觀感開發而自得尤多道傳常見敬之作詩
其思之也渙然無所營其得之也克然若自得其下筆也翩然如雲

行鳥逝其為詩也清新流麗殊類其為人敬之詩道可謂成

矣客曰然卒書以為序

續濟文
鑑後序

道傳當以暇日考究前代典籍

取其有關於治體者自宰相至守令其名位之沿革職任之得失
人物之賢否無不備載始自唐虞文籍之所起也迄于本朝耳目
之所逮也蓋君原首也宰相為君可否君之腹心也臺諫監司為
君糾察君之耳目也府衛之捍衛守令之承流宣化非君之爪牙
與手足乎人而廢其一體則非人也國而廢其一官則非國也古先
哲王廣求賢能之士布列中外以欲修厥官而保其國也詩曰我
求懿德肆于時夏允王保之以之謂也為宰相者有識然後能辨
事物之當否有德然後能得上下之心服而無所失至若臺諫監司

當重凡彩而尚氣節凡彩重則人敬氣節尚則人畏人知敬畏則
權奸之心沮而撓法亂政之萌絕矣得智勇忠義之士以充宿衛
禁衛尊嚴有以折奸雄之心杜覬覦之望得循良公正之士以為守
令民庶蘇息有以遂相生之樂無沅離愁嘆之聲矣然人才有昏
明強弱之不同世道有醇漓污隆之或異故愚不肖者得廁於
其間而賢智者亦不得而展布職有所不修而曠官之嘆興矣且宰
相非其人當亟求賢者以置其位臺諫失其職亦當求能者以責其
職豈可以一人之故而輕輔相之權廢凡紀之任哉若府衛若監司若
守令莫不皆然比之於人心之官則思耳司聞目司視心未得其思則
當治其心使之益以清明必得其思而後已耳有所未聞目有所未

見心當治其耳目使之益以聰明必得其聞見之實而後已實可以
未思之故而廢心之官未聞未見之故而廢耳目之聰明哉此又不可
不知也故臣論之○送裴仲實修撰曠史吾嘗觀魯論夫子之言吾猶及
史之闕文因為之說曰史必有文以記事而不可多文以失實也與其文
而失實寧不文周之衰文過其實孔子傷之甚故於書芟其繁亂
直以一言斷一事書春秋史也更聖人所刪定筆削故為經焉左氏
羽翼聖筆而為傳惟不達於此故未免有浮誇之失司馬子長以疎
蕩奇氣發為雄深雅健之文故稱良史唯不法乎春秋故事多舛
牾是非頗謬君子恨焉二子尚爾況其他乎史之不貴乎多文也如此
然史公天下之是非垂萬世之勸戒也上而君相政理之得失下而民俗

習尚之美惡古今之治亂國家之興敗凡人事之巨細終始精微曲折遠而至於天地日月風霆霜雪之度微而及乎草木鳥獸羽毛鱗介之異莫不隨事備書以信於後非文能之乎史之不可不文也又如此然則如之何哉在明乎理而已理明則辭必約而盡文必直而實以論天下之事如權之稱輕重如度之量長短如燭之照如龜之卜是非不差而勸戒明矣京山裴君仲負在太學也業春秋講究筆削之意其於理燭然故其於文然蔚然也及捷大科館翰薦補史職以義理之文衣鉞于策于弦有年矣今承曉史之命載筆而行薦紳先生歎以贈之使余序余曰噫吾夫子修春秋表世之意也歷代之史不可不觀世愛矣本朝有海東數百年初藏國史于伽倻之海印蓋慮

後世搖亂而墜失也伽耶在國最遠而險海印在伽耶最僻而深
阻故國家雖有愛而亂未嘗及焉祖宗之慮遠矣比者制倭失律
深寇州縣伽耶或不守洪武己未秋掄其史于善之得益辛酉秋
踰嶺而北又掄于忠之開天今癸亥夏賊又逼忠之旁縣十月又自
開天移于信之七長寺地之險遠不足恃而賊之敢深入乃若此嗚呼
可以觀世度矣余在此竊有感焉昔周襄而亂賊興孔子懼而修春
秋今三亂極矣時之憂甚矣仲負之行吾知其必有特筆也仲負
之在太學余為祭酒今又同史職序之托義不辭因書前所得於魯
論者与夫有感於今日者以為序。

鄭三峯道
傳文集序

文在天地間与斯道相

消長道行於上文著於禮樂政教之間道明於下文寓於簡編筆削

之內以典謨誓命之文剛定贊脩之書其載道一也周衰道隱
百家並起各以其術鳴而文始病漢之司馬遷楊雄之徒其言猶
未醇雅及佛氏入中國斯文益病魏晉以降秦塞無聞至唐
韓子宗仁義闢異端以起八代之衰宋興程朱之書出然後道
學復明人知吾道之大異端之非開示後學昭晰萬世吁盛矣哉
吾東方雖在海外爰自箕子八條之教俗尚廉恥文物之懿人材
之作倂擬中華自是以宋世宗文理課科取士一遵華制薰陶
化成垂數百年卿士大夫彬彬文學之徒吾家文正公始以朱子四
書立白刊行勸進後學其甥益齋李文忠公師事親炙以倡義
理之學為世儒宗稼亭樵隱諸公從而興起澹庵白公闢異端

尤力焉吾府主牧隱先生早承家訓得齒辟雍以極心大精微之
學既還儒士皆宗之若圃隱鄭公陶隱李公三峯鄭公潘陽朴
公茂松尹公皆其升堂者也三峯與圃隱陶隱尤相親善講論
切磋益有所得常以訓後進淵異端爲己任其講諸書能以近言
形容至理學者一聞即曉其義其闢異端終通其書先說其詳乃
斥其非聽者皆服是以執經從遊者填溢門巷嘗從學而登顯
仕者比肩而立雖武夫俗士聞其講說疊之不默浮屠之徒亦有
淫而化者焉至於禮樂制度陰陽兵曆靡不精曉祖八陣而成
三十六度之譜約大一而作七十二局之圖從簡而盡世之名將術士皆
善之然此皆先生之餘事也先生節義甚高學術最精嘗以直

言忤宰相流南方者十年而其志不愛切利之徒異端之輩群欺
衆詆而其守益堅先生可謂信道篤而不惑者也先生著述有學者
指南蓋若干篇義理之精瞭然在目然盡前賢所未發雜題若
千卷本於身心性命之德明於父子君臣之倫大而天地日月微而鳥
獸草木理無不到言無不精王國辭命之文典雅得體古律之
作整麗晉延盛唐而理趣出於雅頌質而理溫而淡誠無愧乎
古人樂部小序則繁亂削淫僻唯感發性情之正是餘嗚呼先生
之文皆有補於名教非空言比也是其與道並流後世而不朽無疑矣
雖生下國不得施其文於皇朝盛世之典嘗奉使朝于京師浮遼海過
庸魯詩文之作皆為中國文士所嘉賞是誠以文鳴於一方頗揚東

漸之化得東人歌於萬世與聖代治道之盛同垂同極亦無疑矣近

雖不才幸得與後游之列以聞餘論又幸不鄙而命之序故敢引

於奏端心氣理三篇序心氣理三篇者三峯先生所作也先生常以明道學

闢異端為己任其言曰人之生也受天地之理以為性而其所以成形者

氣也合理與氣純神明者心也儒主乎理而治心氣本其一而養其

二者主乎氣以養生為道釋主乎心以不動為宗各守其一而遺

其二者也老欲無為不計事之是非而皆去之恐勞其身以蔽其氣

也氣苟得養則精神凝定雖有所事而不害吾之生釋欲無念

不論念之善惡而皆遣之恐勞其神以動其心也心苟得定則體常

空寂雖有應慶而不擾吾之中故其初也皆有所不為而其終也

皆無所不為也。蓋當其有所不為也，雖理之所當為者，心絕之，當其無所不為也，雖理之所不當為者，心為之。是二家之學，不陷於枯槁，寂滅則必流於放肆縱恣，其賊仁害義，滅倫敗理，得罪於聖門大中之教，則一也。若吾儒道，則不然。天命之性，渾然一理，而萬善咸備。君子於此，常存敬畏，而必加省察，萌於心者，原於理，則擴而充之，生於欲，則遏而絕之。動於氣者，自反而直，則勇往為之，不直則慤然而退，養其心以存義理，養其氣以配道義。凡所思慮，無非義理之當然，凡所動作，自無非僻之得，于其心之靈官，平事物之理，其氣之大塞乎天地之間，皆以義理為主，而心與氣，每聽命焉耳。此儒者之道，具於人倫日用之常行，於天下萬世而無弊。先生常以語學

者也雖然義理之在人固為其大而心乃吾身之主氣亦吾身之所得
以生者不得不重之也彼老釋竊明心養氣之說誑誘愚俗故人
多樂聞而信從之性知道者雖力言以闢之但斥其不合於吾道者
而已故聞者聞者猶未知其孰為得失也唯先生先明二氏之旨而後
折以吾道之正故聞者莫不昭然若發蒙異端之徒亦有從而化之
者矣此先生之大有功於名教者也於是又述其意作此三篇以示學者
其言心氣者皆用二氏之語以明其旨盡底其蘊奧而的言之且其
語意渾然不見其有斥之迹故雖使其徒觀之亦皆以為精切而
悅服之也及以理形之然後吾道異端之偏正不待辨說而自明彼雖
欲有言其將何以及於此先生闢二氏固非泛然論列者比又非大厲聲

色極口祇毀者之比也抑或人有徒見其不片也以為三教一致故先
生作此以明其道之同耳則非知言者也故愚不揆鄙拙略為註釋
又引其端以所聞於先生者明之耳

柳菴先生韓文敬公脩文集序

近世名卿若柳

菴韓文敬公志行之高見識之明為一時士林之模楷而書法絕
倫為一世之所重也遇知玄陵久居喉舌嘉謨啓沃裨益弘多及
待人接物必施以誠不妄毀譽所與遊牧隱平齋諸公又皆播
紳之選漸濡磨礱相親而善之可謂極矣公之典鈐選也余以後進忝
為僚佐常一日同直閣下余方食觀書公笑曰我知君不主敬口有
食目有觀心主一乎余聞之悚然自後雖不純勉亦不敢忘公之一
言為吾終身之益凡公所以規正於人者皆此類也公於詩早有聲

為益齋稼亭所稱賞晚乃益進謹守三尺有司之者必竭兩端
陶隱輩始得盛名凡有著述必詣公就正有所去取莫不忻然而
服充然而歸以余不敏性之不幸得蒙不鄙而顧之者矣公有四子
皆克肖相繼捷高科者三人其家相業福祿未艾由公教誨之力也
常典貢舉所取多達官顯人皆服其鑑裁之精嗚呼公言行才
識皆可為士君子之師範詩特其緒餘有晚年閒居又與牧隱同里
閑枕屨相邀吟我性復二老風流高致讀其詩可以想見也柳巷
其里名因以自號平生著述自以不滿而不收捐館之後諸子裒集
逸稿得若干首真所謂泰山之毫芒也然觀其簡潔冲澹高出
意表如聞玉聲清越以長多乎哉不多也仲子政堂尚質與兄弟

謀將壽諸梓以余事公久托以序不獲辭為男叙公言行大略
以冠編首俾後之觀公詩者知其可法不但於詩而已

建統少卿
使還詩序

惟皇上嗣大寶仁需德洽四海忠臣而我朝鮮職貢益謹惟時北
藩梗化帝不忍討諭以文告尚執迷不即工帝若曰噫惟天惟祖宗遺
朕艱大綏靖萬邦其敢不事廼告于廟廼命武臣總師征之且
戒之曰蠢茲北藩其桀驁者吾宗親也其脅驅者吾良民也毋敢
疾攻毋庸多殺臨境示威以致來附而全安之於是智謀之將然寇之
士受命駿奔駐師境上俟天休命期年于茲矣我國王初聞是舉
即獻良馬三千匹以助順帝用嘉之乃遣太僕少卿祝公副以禮
部主事陸公米錫賞賚王及宗戚陪臣各有差璽書褒美

以周有管蔡之亂而越裳氏重譯來貢並稱以示榮又有命曰
吾賞賚不絕遍被一國也吾中國非無馬既為一家宜與互市其有
臣民願鬻馬者厚歸其資王與國人欽被詔命感激奮勵競出
所畜不數月間滿五千餘匹昔漢武帝興十萬之師歷三年之久
靡獎中國以伐大宛僅得善馬數十匹今天子懷綏之德我小邦
忠順之誠尤之前史蓋不鮮儻美矣祝公以忠信之資實宏博之
學奉使來宣每懷靡及日視毛物不或少懈驪黃一顧駑駘自
分其勤且敏如此舉止安詳辭語簡正目其貌耳其言者莫不服
老成君子之德間有所感極寓吟嘯咳唾成章金石鏘然至其遊
戲毫素上臻妙絕觀者又服其才之多能也迨事甫已振策言還

國人咸留之而不可得者述所懷綴為詩篇以為贐或曰海外臨邦
搜聞晚學詞語甚拙雖披腹瀝腸吐出肺腑不足以形容祝公之
德之萬一況今聖朝群賢在位才俊彙進雅頌之作洋洋盈耳治
音正聲以鳴一代之盛可謂極矣乃以瓦礫敢効金玉要乃貽雷門
布鼓之誚乎余曰無傷也春風之和而衆鳥以鳴不必朝陽之鳳也
秋氣之清而候蟲以吟不必豐山之鍾也帝德如天覆育四海凡物
之被生息而形而儀之間者莫不得其平而鳴其和飛鳥遺於上
鳴鶴在於陰羽者振之振者動之鉅者其音雄而長微者其響纖
以促震聲于壤推唱于林各其志也已庸何傷乎又况華陽歸
馬之後祝公懸車之年功成名遂而身退處於寬閒之野寂寞之

濱負杖行吟倦極而坐鼻息之餘或一寓目焉豈不有勝於是者

豈然乎應曰諾爰書以冠諸作之首

送潘行人天奎使還詩序

余常觀易繫之

辭黃帝堯舜垂衣裳而天下治蓋取諸乾坤先儒之說以上衣下裳為法乾坤余則臆謂非唯衣裳有上下也章服等威尊卑異數截然而不可犯者是亦猶夫乾坤也上下安分整然無求天下其有不治者乎古者聖神觀象作服自九章至

章以為五服列爵分土

亦有五等視其德之大小而為位之高下以五等之服施于五等之爵位與德稱服與人宜是豈出於智巧之私哉惟以奉若乎天而已故曰天命有德五服五章於此黃帝堯舜之時名分素定上下相安猶天道之賦与萬物洪纖高下各得其所而天下大治者也欽惟皇上

以黃帝堯舜之德而隆雍熙恭和之治輔相弼諧之列亦皆臯夔
稷契之徒循綸德化黼黻皇猷深仁厚澤衣被天下而我寡君
忠順事上之誠綏惠撫民之仁視古諸侯無愧皇上嘉之特賜冕服
九章秩比親王以視褒寵之異乃擇廷臣有文學明禮義行端而言
溫有以布皇風而服人心者受勅以遣而鴻臚寺行人潘公景昭寔
來王與國人銘承感激誓與子孫無替服命於是國之士咸相
謂曰九章之服天子所以錫勲戚顯諸侯備九命而位上公者也雖以
中國侯伯之列固難得而受之今我寡君膺受茲命上古命德考
典復行於今日盛朝展親之異數偏及於弊邦之王者皆千載之罕
遇也而吾今日身親見之吁何幸哉舊詩嬀嬀發於謳謠不自知其

辭語之鄙拙以為潘公使還之贈使余序余惟章服之制尊卑之
位猶乾坤然固不可易也然泰之為卦乾下坤上二氣交感以成化育
之功是故上下之辨雖嚴而其情不可以不通處其分所以立其體通其
情所以行其用體立而禮作秩然有序而不亂用行而樂興懽然有恩
以相愛此聖人之經緯天地酬酢斯世必以禮樂而薰陶之由親愛
踈一視而同仁以通天下之志以成天下之務者也今我皇上賜之冕服以
異其數比之宗親以厚其情既示乾坤定位之象又法乾坤交泰之
道挽回世道以興堯舜垂衣之治兼濟四海以行堯舜博施之仁
禮樂之興洋洋中溢外噫嘻盛哉士生斯世安於耕鑿以編於比
扈可封之俗寄樂矣況以維掖之秀登名縉紳之班選膺使命來

播綸音通冠冕於萬里耀竹帛於無窮者乎潘公其亦榮矣哉
公之還也益殫赤心勉補宸職責彰施而飾締綈煖禮樂而昭文
章永使幅員之廣均被泰亨之化是公所以自期而吾東人所望於
公者也。題三節堂北庭侯氏知元季將亂聚家避地于海東封君食

商溪序

祿終其身而子孫亦保其智之明如此有男四人伯氏位宰相屢奉使
上國應封辨敘每蒙太祖高皇帝稱賞有以我國家卒謚文貞
公仲氏寬厚長者亦至相叔季皆有才名為達官余皆友善而
與文貞同升廊廟情意彌篤常道其先世三節堂事且誦諸公
贊詠之作余聞而敬慕之及觀圭齋歐陽公所撰侯氏家傳其記
三節詳矣郝運為國討賊力窮不屈死且為神督戰現異為臣

之忠也夫人早寡守我峻節凜凜為婦之貞也總管十歲割股療母
為子之孝也一門之內三節克備子孫廣賴每設制科繼踵登第而學
士揭公之詩六有三節堂前六桂枝之句蓋榮之也吾東方故事一
家三子登科者稱為美事祿其母而賞之文貞與二弟朕登科
弟積善之報信未艾也壬午夏其季典書公來余曰吾家三節堂諸
公巨筆遺失殆盡幸有數篇尚存恐遂湮沒編為一軸且欲丐言
於國之樞紳請送子始余諾而受之且以辭拙累月不克為公屢至
而色益恭余謝不敏乃告曰人之左倫天所叙也臣於其君婦於其
夫子於其父母各有其職處常而純盡其所當為遭憂而不墜
其所自守二者兼盡為全其節也然自古以節稱者皆不於常而

必於夏蓋處常者人所同而盡夏者其所獨也故必待遭夏而特著
其義表之不群然後可謂之節非其明於禮義不怵於利害其守固
其氣定者不然矣故終盡臣子夫婦之道而以節稱者絕代而僅有
也今公一門三節軼翩繼書簡冊光耀同極宜其子孫振播於華
夷世瀛美以承餘慶於無窮也

三國史
略序

惟我海東之有國也肇自

檀君朝鮮時方鴻荒民俗淳朴箕子受封以行八條之教文物禮義
之美實基於此衛滿竊據漢武窮兵自是而後或為四郡或為二
府屢更兵燹載籍不傳良可惜也逮新羅氏與高句麗百濟鼎
立各置國史掌記時事然而傳聞失真多涉荒恠錄其時事未
克詳明且多雜以方言辭不能雅前朝文臣金富軾輯而脩之為三

國史乃敝遷史國別為書有本紀有列傳有志有表凡五十卷以一
歲而分紀以一事而再書方言俚語未能盡革筆削凡例未盡合宜
簡秩繁多辭語重複觀者病其記此遺彼而難於參究也恭惟
我 主上陛下天縱聰明留神經史乃命臣河崙李詹及臣等將三
國史就加彙括倣編年法合為一書於是以前新羅先起後滅改用其
年紀以表其首乃注中國紀元以明其統又以二國元年各注其下次
書時月以係其事先新羅而不以國舉以為之主也次唐次濟以所
起之先後也本之本紀參之列傳有綱以舉其要有目以盡其詳革
其鄙俚芟其繁蕪誅絕儲亂褒崇節義又以管見論其得失以
附其後勒成一書名曰東國史畧雖其筆力鄙拙無足可觀然改

治之得失國祚之脩短可法可戒善惡俱存萬機之暇如賜覽觀其

於為治之方庶有少補云恩門牧隱先生文集序有天地自然之理即有天地自然

之文日月星辰得之以照臨風雨霜露得之以變化山河得之以流峙

草木得之以敷榮魚鳥得之以飛躍凡萬物之有聲而盈而儀者莫

不各有自然之文焉其在人也大而禮樂刑政之懿小而威儀文辭之著

何莫非以理之發見也物得其偏而人得其全然因氣稟之所拘乎同所

造化保其全而不偏者鮮矣聖人猶天地也六籍所載其理之脩其文

之雅茂以加矣秦漢以前其氣渾然曹魏以降光岳氣分規模蕩盡

文與理固綦塞也唐興文教大振作者繼起初各以奇偏僅純自名

逮至李杜韓柳然後渾涵汪洋千彙萬狀有所總萃宋之臨蘇二

張奮起追軼前光嗚呼盛哉吾東方牧隱先生質粹而氣清學博
而理明所存誠契於至精所養能配於至大故其發而指諸文辭者
優游而有餘渾厚而無涯其明昭乎日月其愛驟乎風雨歸然而
岸乎山岳沛然而浩乎江河貴若草木之華動若鳶魚之活富若
萬物各得其自然之妙與夫禮樂刑政之大仁義道德之正皆粹然會
歸於其極焉非稟天地之精英窮聖賢之蘊奧騁歐蘇之軌轍升
韓柳之室堂曷能臻於此哉自吾東方文學以來未有盛於先生者
也嗚呼至此已春行錄後序吾伯祖昌和公諱準爵宗周府壽過六旬事
我曾祖菊齋文正公諱傳晨昏色養得其懽心又為倩公圖畫古人
二十四孝且請益齋為贊以獻之欲令文正玩樂於心以忘其老文正

得而悅之手自抄錄三十事以附益之今益爲贊此孝行
錄所由作也惟我文正至爲宰相事文清公諱旦克盡子職一歟後
位揔百官爲國元老諸子若婿皆至達官有一家九封君之稱
勲閭之盛崇養之備雖古罕儔而公常以勤儉自持富而好禮
貴而好學調鼎之暇手不釋卷嘗註銀臺集二十卷又於八旬
餘歲博考傳籍手自編摩以成此錄其勤耨耄老而不輟如
此益齋之贊明白簡切欲使人之皆得易知也昔孔子於孝經上
自天子之貴下至庶人之賤始自髮膚之不傷終至宅兆之安厝靡
不備舉而悉言之以訓萬世子事父母之道無餘蘊矣此錄之於貴
賤終始倫理之常靡所不備又於人倫之憂患難不測之事孝經

之所未及者亦無不載雖若過於聖人之中制者性之有之然於子
事親之誠必至於此然後斯為極矣宜自料其過於禮哉且孔子編
詩欲使學者興於詠歌而得其情性之正其脩春秋以為托之空言
不如載諸行事之深切著明也此錄所載皆是古人行事之著明者
也其贊亦可詠歌而興起者也苟以此書布之閭巷以教童蒙家朝
夕詠歌習熟見聞以興起其善心而感發其天性則人可為當國之
行不謬於聖人作經垂訓之旨有補於國家化民成俗之意矣其書
雖小其有切於名教甚大豈可以其出於近代而忽之哉近觀此書每
加敬慕者以吾祖父精力之所寓尤不敢不敬也永樂三年之夏近方
在告得閱鷄林新刊之本字有差誤遂臨正之因有感爰不揆鄙

拙妄加註解於逐章之後者非徒有所發明也但欲寓吾拳

敬慕之意云耳。

朝身經國典
序。鄭摠

六典之作尚矣若稽周禮一曰治典

以經邦國以治官府以紀萬民二曰教典以安邦國以教官府以擾萬
民三曰禮典以和邦國以統百官以諧萬民四曰政典以平邦國以正百
官以均萬民五曰刑典以詰邦國以刑百官以糾萬民六曰事典以富邦
國以任百官以生萬民治則吏也教則禮也政則兵也事則工也自古
以來天下國家治亂興亡昭然可考其所以治且興者以明夫六典也且
所以亂且亡者以昧於六典也高麗之季政教陵夷紀綱頽敗所謂六
典者名存實無有志之士扼腕嘆息者久矣亂極復治理之必然惟我
殿下應天順人除殘去暴乃革舊弊一新教化以時考績黜陟幽明

而治典明矣。輕徭薄賦，休養生民，而教典明矣。車服有章，上下有別，則禮典可謂明矣。克詰戎兵，折衝禦侮，則政典可謂明矣。議刑得情，民無冤抑，刑典不可謂不明也。先釐百工，以熙庶績，事典不可謂不明也。於是判三司事，奉化伯臣鄭道傳作為一書，名之曰經國典，以獻。殿下宸心是悅，付諸有司，藏之金匱，爰命臣摠序其編端。臣摠竊伏惟念一代之興，必有一代之制作，為非明良相得有同，魚水則何以臻此焉。今我殿下推赤心，委任宰相，而三司公以天人之學，經濟之才，贊襄丕基，馳聘雄文，充成左典，非唯有補於殿下乙夜之覽，且為子孫萬世之龜鑑也。於戲，其至矣乎！若視為文具，則書自書，人自人矣。何益於治道哉？子思之作中庸也，論九經曰：「其所以行之者一也。」一者何？謂誠也。

臣於是書之以此言焉

御製刊行
序曰李唐

古者聖王好察通言與人為善者欲其

廣聰明而達下情也陽村權先生之在京師也太祖高皇帝優禮

待之使隨班文淵閣與劉公三吾許公觀景公清張公信輩以肩以

遊且使命題賦詩先以中國興廢之由道塗經過之所次以本國

離合之勢山河之固與夫外國之隣吾境者而先生窮探宇宙辨析表

裏且寓夫東人感化之意既成而獻之其精華炳蔚音響鏗鏘帝

覽之稱嘆又命之使遊於南北市采賔重譯鶴鳴醉仙凡樓觀之勝

無不周覽因又命題賦詩然後親製鴨綠古京遼左等三篇翕

然卓踔奎壁昭回其同仁之化吹萬不同洪纖高下各得其所以天不

遠物泛應曲當可見氣象涵容誠意懇至樂與人為善之意也既而

先生東還深感天睦之綢繆將以為子孫永世之寶藏書御製及應製詩若干篇藏之巾衍每遇使者自中國至者悉出而求一言之惠淮安陸伯瞻金陵端木孝思番陽祝孟獻俱有詩文皆佳作也一日殿下徵之觀覽既訖以為東人入天庭展布所學以見知於天下者絕無而僅有矣況得蒙御製之賜與日月爭光者乎宜畫所以石泚也遂命知中事臣朴錫命下議政府板刊施行先生於是屬余為之序。

鍾連

飲序所居瑞雲坊蓮菡既實戲以刀剗之視其房則或有如觚者或有如鍾者可為飲器也於是去其房

之凝藉者實酒其中而飲之

極醇醲芬芳而其色鮮澤也因速客隨其飲量之高下第其鍾之大小商等而飲陶然而樂也殆筍飲尚矣其為舉手捻莖仰面而

注不似古人獻酬之禮吾聞古之飲者有揖讓以致禮者有盥
洗以致潔者有拜伏以致敬者今觀蓮之低昂則不揖讓而禮
不染則不盥洗而潔通直則不拜伏而敬況其形模悉類古
之飲器也因作古人飲酒之禮誠合矣若彼有為牛飲者為巢
飲者為鼃飲者皆被於禮法之外者豈得與此同日語哉噫此
固奇矣古人無先之者特其意料之未至耳自我而始夫豈徒哉
○送日本天祐上人
還歸序○鄭以吾禪學之士涉遠乎數千里游方訪道固其志也然
時有治亂道有通塞上冥行而暗趨觸危而抵險故終其身而
志莫之遂者夫豈少哉幸今殿下即祚文治興武脩脩交隣以道
四者無虞為恭訪者不亦樂乎已度之夏日本國遣使來聘沙門祐

公隨至蓋欲託行事而實防乎名山者也其為人也端潔有道
氣宇畫詩律俱有可觀殿下嘉其慕義納款命有司館待既
隆及將還也祐上人進言於朝曰金剛山靈異之迹擅名於天下吾
禪而遊者以不到是山為嫌願留錫以觀之仍賦詩達其志使轉
告於吾君於是命禮官從其願留又特賜鞍馬而待之益隆其年
秋使來傳以訪所謂金剛山極其遊觀之美隨遇隨記其為文無
慮萬言矣余偕一讀之詞采曄然溢目非禪寂者所能也留三載
又進言曰吾道雖曰辭親割愛然有老母而無他兄弟願得歸覲朝
之文士咸嘉其志皆詩之贈其行俾余題其卷首余之無學儒也道
不同安能言哉然竊聞之睦州雖公當編蒲屨以給其親慈明園

公乃以白金遺若母後世稱唐宋諸師道行之著者必曰睦州
慈明之二師豈外乎道哉抑所謂絕愛辭親一意於道者价
公之所以不歸也然而終有以報其親焉今上人既篤於其道又
攻乎文藝常在其國而為其君所器重至賜號文溪以寵異
之則事親固不待於編簡遺金而有足以滄隨者無他日阿之所
以報其親者吾又望於文溪文溪其勉之哉

進歸校萬歲
史序○尹淮

史法古矣

自唐虞已然稽諸書可見也列國史官各記時事後之纂述者得有
考焉若夫漢祖入關使蕭何收秦籍唐宗即祚命魏徵撰隋書
鑑前代廢興之故為後王善惡之師所謂國可滅而史不可滅詎不
信夫恭惟我太祖開國之初即命奉化伯臣鄭道傳西原君臣鄭

摠修高麗國史於是採摭各朝實錄及文仁公閔漬綱目文忠公
李廌賢史異文靖公李穡金鏡錄彙而輯之倣左氏編年之體三
年而成為卷三十有七顧其書頗有舛誤至於凡例以元宗以上事
多僭擬注有有所追改者我主上殿下聰明好學留意典籍乃命右
議政臣柳觀大提學臣卞季良重加讎校正其訛謬永樂二年
某月日臣觀上言前朝自太祖而下皆稱宗僭也然惠宗定宗皆廟
號今新史改稱惠王定王以廟號為謚號似失其真乞依實錄太
祖稱神聖王惠宗稱義恭王定宗以下皆書本謚庶幾不誣事實
是日臣准入侍從延面奉玉音若曰孔子之春秋則托南面之權成一王
之法故吳楚僭王貶而書子賈葬成風王不稱天等削予奪裁自聖

心今之秉筆者則既不能窺聖人筆削之旨但當據事直書褒貶
自見足以傳信於後世不必為前代之君欲掩其實輕有追改以喪
其真也其改宗稱王可從實錄廟號謚號不沒其實比例所改
以此為準臣等恭承明命遂將元宗以上實錄比較新史如改宗
為王節日為生日詔為教朕為予赦為宥太后曰太妃太子曰世子
之類復從當時實錄舊文編摩既訖事迹粗完用奏瞭然勸
懲斯在臣竊惟司馬子長負邁世之氣袖石室之文作史記百三
十篇抑揚去取自成一家然必有楮少孫補其闕司馬貞救其訛而
後其書乃備子長尚有況其下者烏得無待於刊誤糾謬者歟作
史之難也雖校之不可已也如此殿下之慮深矣至於面命之辭出乎

宸衷之獨斷明白正大尋常淺見所可測其涯涘者謹拜手稽首
筆之於書冠諸卷端以告後之君子覽者致詳焉。

送西師面都也
同平壤尹趙公

詩序

上之七年春方重外寄平原趙公受命將行朝之大夫士咸以

詩餞屬余序余惟西北一道為國藩屏上以接中國下以禦外侮國
家遣監司守令必重其選苟非文武全才威惠兼至為眾所服者

莫能當也稽之載籍則係箕子舊封之地九疇之化以條之教入人

深歷千有餘年實為海以東風俗之權輿矣及其季為衛滿奪

據漢武遣兵逐滿置郡後為高朱蒙氏割據平壤乃其所都箕

子之遺俗尚存昇平六十餘年及其衰蓋蘇文作凶逆以召隋唐

之兵蘇文死二子爭權國隨以滅厥後為王氏太祖所屏屢幸西都

以安反側然自蘇文人之好亂者不絕至仁王時則有柳昱淨心者高
王時則有崔光秀趙承綏者元王時則有元振崔怛者皆謀逆作
亂煩兵乃平終王氏之季為監司為守令者莫不以治東南方者治
之專務姑息賊者莫不為之嘆也至國朝南北一視恩威并行向之莫
能治者已為可治者矣遂單士人之主兵者使守令帶團練之職
士人眼追逐之事監司總其裝束之權輕重之輕得其宜矣民之
悅之者至有如解倒懸者矣然而凡俗尚未醇賊役尚未均流亡尚
未息學校尚未周經界尚未正戶籍尚未明此在監司守令之盡
心与否耳惟公秉資清明誠見萬邁早知天命之所在遂上階
即歸心獻計蔚為開國元勳歷官中外皆有聲績再當危急

之際贊櫟定社佐命之功常以國體安危為己任今茲受命專制一方余知公之至也必能宣上德威修明教化守其所已成而勉其所未盡務回其子之遺風滌去蘇文之舊染薰陶德性以成禮俗家有入孝出悌之行人知親上死長之義則軍民之任庶乎兩得之矣若夫餘閒暇日登浮碧樓以望山川之勝泛大月船以興風詠之懷則縱欲与之同而不可得也佳句幸書而寄之以慰臨老之別相望意也。遁村先生雜詩序昔余始見遁村先生于圓隱先生之小軒新脫逆眊之禍來自南方其貌莊而毅其氣充然而秀其語琅然而確以暢余心竒之再見于牧隱先生之草廬先生敬相待移日余聞其餘論從而陶隱遷牧隱圓隱兩先生及遁村設小酌置盤梅于

前作梅花聯句余亦注茶席未聞其警句後余移家硯井洞去
遁村龍首山下之草亭不數里贈余菊花詩一篇余謹和之因年
遂相從之願未幾遁村病而卒歷後十餘年間圓隱陶隱相繼
淪沒而牧隱先生亦且乘化矣獨余幸存至今每念相從之樂恍然
如夢中事嗚呼可勝悲哉三隱詩文皆行于世而遁村獨與之
竊怪焉今其子刑曹參議之直奉其遺藁來示余曰吾先子欲
施所學而官不克達欲行所志而壽不克永不肖孤所以有終天之
慟也嘗聞立揚顯親孝之經也不肖孤安敢必哉切欲刊此數百篇
以傳諸後使後之尚論之士知吾先子之名請子幸序其卷端
余聞而益悲之讀其詩竟日所謂克然而秀琅然而確以暢者

志著于聲律之間古人云詩不可以偽為豈虛言哉遁村有
三子俱登科以文行著名恭識其長也舉以顯父義傳父名
為念其志亦可尚已。圃隱集序文以載道故詩書禮樂威儀
文辭皆至道之所寓也三代以上文与道為一三代以下文与道為
二蓋詩三百莊以思安邪之言夫子文章無非天理之流行所
謂有德者必有言而文与道初無二致也漢魏以降以文鳴於世
者若王徐阮劉曹鮑沈謝下逮唐宋劉柳蘇黃之輩代各有
人然不過風雲月露模寫物狀併儷沿熟名之耳其於道也槩
乎其未有聞也故其文章雖或可取夷考其行皆無足論所謂
有言者不必有德而文与道始歧而為二矣吾東方禮樂文物併

擬中華文學之儒無代無之然其才德俱優名實相孚者
有數人歟烏川圃隱鄭文忠公生於高麗之季天資粹美
學問精深其為學也以默識心融為要踐履躬行為本
性理之學倡導東方一時名賢咸推服焉如牧隱稱其講
學曰橫說豎說無非當理陶隱論其人品每稱達可之卓越
則先生之學之才可知矣其行事之跡則當中原革命之初國
步多難之時西朝京師東使日本事不避難憂國忘家切烈
卓然貽惠東民者皆可考已及當肅運將終天佑聖德之時
以一身獨任五百年之宗社終臨白刃以全大節凜然忠義之氣
与烈日争光真所謂社稷之臣閔咸哀之運其生也有自來其逝

也有所為者也先生始終大致如此可見所造之深所守之確而仰不愧天俯不忤也由其在於中者如此故發而為文章者雄深而雅健渾厚而和平愛君許國之意溢於言詞之表其有關於人倫世教為甚大豈止辭語之精聲律之工而已哉可謂有德有言名與實之相孚文與道之兼備矣我朝受命太宗大王嘉其節義特加封贈錄其子孫我主上殿下既常命作畫贊列於忠臣之傳其子臣宗誠編集遺藁以進又命臣序其編端所以褒崇嘉尚之者至矣盡矣先生之節因我朝而益高聖朝之德因先生而益大扶植萬世綱常之道以勸士風之機實寓於此然則是集之傳於世者夫豈小補哉

三綱行
實通序

天下之達道五而三綱居其首實經綸

之大法萬化之本源也若稽諸古帝舜慎徽五典成湯肇修人紀
周家重民五教而賓興三物帝王為治之先務可知也已宣德辛
亥夏我主上殿下命近臣若曰三代之治皆所以明人倫也後世
教化陵夷百姓不親君臣父子夫婦之大倫宰皆昧於所性而
常失於薄間有卓行高節不為習俗所移而導人觀聽者亦多
余欲使其特異者作為圖贊頒諸中外庶幾愚夫愚婦皆得
易以觀感而興起則此化民成俗之一道也乃命集賢殿副提學臣
饒循掌編摩之事於是自中國以至我東方古今書傳所載靡
不蒐閱得孝子忠臣烈女之卓然可述者各百有十人圖形於前
紀實於後而并系以詩孝子則謹錄太宗文皇帝所賜孝順事

實之詩兼取臣高祖臣溥所撰孝行錄中名儒李膺賢之贊
其餘則令輔臣分撰忠臣烈士之詩令文臣分製編訖賜名三
綱行實圖令鑄字所銀梓永傳宸命臣採序其奉端臣採
竊惟君親夫婦之倫忠孝節義之道是乃歸衷秉彝人之所同
窮天地之始而俱生極天地之終而因墜不以堯舜之仁而有餘不以
桀紂之暴而不足然先聖之時五典克誕民用和睦而比屋可封三
代之後治日常少而亂賊之徒接踵於世者良由君上導養之
如何耳今我主上殿下以神聖之資盡君師之道而成治定萬目
畢張而以扶植綱常維持世道為本既有閑於名教者無不講
究商確著為彙典所以化民於躬行心得之餘者既極其至猶

慮興起之方有所未盡乃為此書廣布民間使無賢愚貴賤孩
童婦女皆有以樂觀而習聞披玩其圖以想形容詠其詩以體
情性莫不歆羨慕勸勉激勵以感發其同然之善心而盡其
職分之當為矣蓋与帝王教典敷教之義同一揆而條理有加密
焉由是民風丕變治道益隆家盡孝順之子國皆忠盡之臣南
陵白華之什漢廣汝墳之詩將繼作於委巷之間玉化之美常無讓
於二南而王業之固實永傳於萬世後之君子益體宸衷服膺敬
守於無窮豈不韙哉

日本國使崎上人
松泉山卷詩序

日本氏國於扶桑之域政以間

民淳其俗多尚淳樸恭訪之人因奉使而遊列國者前後相望唐
宋以來有若炯然寂怒及榮睿之徒是已我殿下即位之初有倪

上人祐文漢之徒繼踵而來者皆韻釋也今齡上人志圖求法自歲
壬寅至乙巳四年之中奉使於我國者三矣殿下嘉其義命攸
司外勞館穀加等焉上人年芳而學碩神清而形臞紫々清立
望之如出壑之冰盛之玉壺也一日以其所扁松泉出請於播紳先生
曰歲在壬寅特蒙篆書之賜余固珍藏願贈一言以終惠焉於是
朝中文士咸詩之矣而俾余序余惟人所好各從其類淵明之愛
菊以其隱逸素那之愛楊以有五利其他王徽之竹遠公之蓮皆
有所好今上人以松泉自扁果何所取歟以吾儒之說言之聖人於
松有歲寒後彫之語於泉有不捨晝夜之嘆未識上人所以取亦
從是居止以清淨寂滅之道有感於其類而愛之乎想夫千巖

萬壑一川蘭若松風洒面泉水澄心頓除熱惱一臨清涼之境
有不可以言語形容者焉觀其蒼々楨幹傲雪凌霜貫四時閱千
歲不改柯易葉則有如上人得堅固力金剛不壞之節矣冷々活
水注玉舍雲根一派達千里無滯形局迹則有如上人洞洞真
源浩入聖海之妙矣上人之所取其在此余觀上人奉使我國
辭命之不差聘享之有儀周旋升降皆中法度真所謂墨
名而儒行者也將以我國家禮樂文物之盛交隣懷遠之道達
之於其國使兩國之間相好息民之機至于千萬世而不替也無
疑矣

